


閣書

九十四
九十五
九十六
九十七





		漢書門類	
四	一	九〇七三	函號類
一	一	三三	架冊類


內閣文庫		漢書門類	
九〇七三	函號類	三三	架冊類
四	一	一	一

內閣文庫	
番號	漢 9073
冊數	40 (28)
函號	292 86










閩書卷之九十四

英舊志



建寧府 甌寧縣

唐

袁元應

袁元應仕吏部員外郎巢寇略閩出爲本道撫諭使未幾卒葬湖山民廟祀之

宋科第

太平興國二年癸未章衮 詹番憲

雍熙二年乙酉詹易知 張彝叙

閩書

卷之九十四 英舊

一百九十六

端拱元年戊子陳應元

二年己丑章瑤

淳化三年壬辰王冕

咸平二年己亥王昱

三年庚子吳應一章萬張安世丘賁一作貫

五年壬寅吳曜卿

景德二年乙巳章冲章可法張爲舟特奏同進士

大中祥符元年戊申黃觀張湜

二年己酉陳詢

五年壬子徐奭第一章侁一作張侁陳商

八年乙卯王述章大蒙章一作吳

天禧二年戊午徐的童功成

天聖二年甲子王初任凱

五年丁卯魏巽

八年庚午章資張鑑吳師服楊仲元童

志賢

景祐元年甲戌吳秘章君陳章造陳良李

格張容王俞

寶元元年戊寅魏宏黃昇黃師古張爲宣

陳鼎

慶曆二年壬午黃握 謝策 丘與齡 陳立

六年丙戌張達權 章京 葉敦 張安雅 楊

煥 吳見推 葉比 劉泌 曾叔卿 魏軻

鄒何

皇祐元年己丑張詳 楊景脩 吳申 詹常 徐

昂一作昂 徐洪 施彬

五年癸巳丘同 游奎 陳絢一作詢 郭友賢 周

可封 張聘賢

嘉祐二年丁酉彭次雲 陳沂 黃翊 楊長聘一作

長孺 黃洙 陳讓賢 丘高 徐昉

四年己亥黃襄 張袞 陳讓夷 謝麟

六年辛丑葉咫 王彝 陳沆 徐壽 陳世京

八年癸卯吳毅 章及賢 黃顏 安緯 游勛

治平二年乙巳范咨 袁符 魏森 廖平 陳讓

能

四年丁未劉尋

熙寧三年庚戌陳稷 黃舒 丘述 吳悅 劉顓

章脩

六年癸丑施令 黃汝平 黃儒 黃頡 徐萌

黃洽 黃安節 黃彥 王熙一作願 吳棫 黃詳

李端天 楊夙

九年丙辰葉康弼 張元弼 呂常 黃考甫

元豐二年己未詹國華 卓威 李稭 黃公綽

陳信臣 葉極 陳孟進 葉大方 吳子翼

五年壬戌吳睿 黃毅 葉孝玉 張謀 呂企

呂一作吳 楊恕 謝黻 劉安行 劉幹 黃藪

八年乙丑王叙 葉廷輝 游克 施邁 吳銓

一作董漸 董一作黃 章述之 一作衍之 吳潛 吳蕃 一作全

潘張譚 徐遵

元祐三年戊辰葉時 游煦 一作照 董貌 陳渥 謝

得人 練素

六年辛未黃策 施述 黃同 江介 張訪

紹聖元年甲戌黃睨 黃堅 黃獻可 何成之

何賁 陳脩 李仲行 仲一作中 葉楚材

四年丁丑鄭存 黃逸 章防 章程 章蔡

張公獻 徐弁 黃和甫 吳愈 陳溝 黃謹

陳遜 陳器則

元符三年庚辰呂沈 熊安行 吳伯止 陳煒

丁天民 呂稅

崇寧二年癸未葉中行 葉煥 周豐載 黃會極

黃炳 黃平 張公黻 應廊 謝穆 張獻臣

五年丙戌葉臯 黃銳轉運判官 呂若常 葛安

國 黃量 孫虞卿孫一作張 徐陟 黃理 卓雄

吳仲交 翁蕪一作張膺 魏揚用 練師中

范伯進

特奏名 徐適 吳棡師服

大觀三年巳丑徐大明 游時升 張績 張行巳

楊尚文一作呂祚 吳師中 葉昭隣 葉伸

吳可 丘柔 江濤 翁孝昭孝一作化 黃達 黃存道

政和二年壬辰謝逸

丘棠 張敦書 鄧植 彭佶 吳競一作吳直

亨 練居實練一作陳 李正中 余文

三年癸巳羅暹

五年乙未黃偉 楊陞 曹穎士 黃積厚 梁

之嘉 楊申 梁天衢 虞斐 吳安中 葉廷

珪 葉义 章芹

重和元年戊戌卓特立 吳秉文 陳徹 章陟

陳觀國 葉發明 陳大中 范文

宣和二年庚子上舍釋褐 張憲武 龔日新

三年辛丑謝嚮一作紹聖元年 葉英傑 黃仲道

周書 卷之九十四 英舊 五 文

張參 陳瑀 魏懋 李寀元祐六年亦有此名 黃生 陳

希孟 黃脩

六年甲辰嚴有翼 江祐之 黃處仁 祖日新

劉希亮劉一作謝 黃褒 黃悅一作元豐八年 周适 江航

章驤 吳介然 黃朝佐 謝安仁一作民 張之邵

黃偉 范疇

建炎二年戊申黃銓 呂希說一作呂一作吳 翁棨 范周翰

張裳 丘之立一作立 陳堯 歐陽穎士 黃操

紹興二年壬子陳廷傑 黃仲適 虞翔 葉榮

王勉 陳綱 范彥輝

八年戊午黃箎 黃元量 黃萬頃 魏清臣

謝襲 黃拱 章綽一作涼 江廣 陳扁

十二年壬戌范文建一作達 陳元裕一作祐 程構一作擴

王旌一作旗

十五年乙丑賈挺 王遵路 劉頎一作順 陳雲翼

十八年戊辰丘密一作密

二十一年辛未黃石 陳煥 魏諧 張孝立

蕭竑 施一靈

二十七年丁丑虞機 葉齊山 裴叔度

三十年庚辰虞少詹 虞韶

隆興元年癸未范璋 陳洙 袁說友 徐粼一作

鄧高 葉蕭 游岳 劉鼎 施譽 翁國瑞

張咸 梅英

乾道二年丙戌翁德廣 謝震 陳堯卿 鄭勛

葉才老 游雱 黃碩

五年己丑翁子翀改名子中

八年壬辰張成招 李正通 盧特

淳熙二年乙未吳挺

五年戊戌詹炳 卓寘 陳申

八年辛丑毛可釋一作李睿 葉師德

十一年甲辰李曼卿

十四年丁未劉源 楊迪 吳魯卿

紹熙元年庚戌程高 馬滂 吳遠

四年癸丑李公明 吳璿

慶元二年丙辰丁德元 翁珣 曹建國 劉拘

翁蜀

五年己未陳梓高孫 王佾 何知 劉沐 楊圭

葉選 葉湜

嘉泰二年壬戌丘櫛 劉文軌 陳熙甫 江沆

李芑 劉寅

開禧元年乙丑呂稽叔 杜桂 劉升

嘉定元年戊辰朱吉甫 甄世光 廖閩一作閩

四年辛未吳文 王由之 艾丑 江孚江一作汪

張洙

七年甲戌熊源 劉世 范駸 陳晉卿

十年丁丑黃自然 陳必大 劉天錫 范會之

十三年庚辰黃應炳 張國梁 游定山 童英

張覺生 廖安

十六年癸未黃清之 倪漢卿 鄭雷震 黃海

寶慶二年丙戌廖武子 葉天藻

紹定二年己丑楊可久 劉德權 周丙 游清夫

藍興祖 鄭彥實

五年壬辰范純甫 劉公權 夙子興 蔡世德

周紆 朱繼芳繼一作維

端平二年乙未游渾 陳德夫 丁熙之 沈助

嘉熙二年戊戌湯鑄 楊翼

淳祐元年辛丑游旋叔 黃夢吳 葉采 龔榮卿

王恰 葉泰夫 毛天書 葉賓王 柯正夫

四年甲辰陳可仁 吳述 趙汝照 陳謨 張

桂子 陳子良 朱天雷 魏復

七年丁未黃駟

寶佑四年甲寅趙崇銘

劉夢騏

周清老

謝見

斗 何德華

開慶元年己未丘樞

陳德午

陳海

魏桂臣

薦辟人材賢者雜見列傳中

有傳

徐 奭 徐 的 吳師服

子栻

栻子激

吳 秘 魏 宏 吳 申 徐 洪 謝 麟

徐大正 黃 晁 張敦書 吳安中 葉廷珪

張以中 魏 懋 呂希說 魏行可 孫公壽

魏孝友

陳庭傑

陳 肩

孫梓

陳元裕

虞 詵

袁詵友

東

洙

翁德廣

黃 洧

黃 碩

葉

孫

徐奭字武卿博學能賦試進士第一天聖初為兩浙

轉運使蘇州多水患奭度赤門以東築土石為堤九

十里架橋樑四十餘以濟不通詔書褒美後召知開

封府

徐的字公準補欽州軍事推官言於轉運使鄭天監

請徙州瀕水以舒瘴疫天監轉聞從之因奏留的使

董役的短衣持挺與役同勞城廓樓櫓府舍倉庫溝

渠屢肆遂以畢備遷大理寺丞知吳縣移梁山軍通判常州屬歲饑出米食餓累遷尚書屯田員外郎知臨江軍擢廣南西路提點刑獄安化州蠻攻殺將吏部卒畏誅謀爲變的馳至宜州惻曉之皆斂手聽命改知舒州徙荆湖北路轉運使辰州蠻彭士義爲寇的開示恩信蠻黨悔過自歸攝江陵府事城中多惡少年時時夜縱火以便爲盜一夜十數火的籍其姓名使相保任火患遂絕以兵部員外郎爲淮南江浙荆湖制置發運副使奏通泰州海安如臯縣漕河詔未下以便宜召兵夫濬治出滯鹽三百萬得錢八百

萬緡處制置發運使軍賊王倫起山東轉掠淮南的團兵待之會青州改遣裨將傅永吉追殺入歷陽的與賞遷工部郎中復治泰州西溪河發積鹽加直昭文館區希範蒙起寇衡湘命的招撫之旣至再宿蠻酋相繼出降三司以郊祠近宜召還計事旣還蠻復叛除度支副使荆湖南路安撫使至桂陽降者復衆其欽景石碓華陰水頭諸洞不降者皆討平之斬其酋熊可清等千餘級竟卒於桂陽

吳師服字夢得歷知蒙州儂寇犯境師服度州無城兵不能抗乃籍帑儲屬諸大姓使輦而藏之且聽民

避賊獨佩州印以守賊知無所得引去改邵武軍邵武產金而品最下朝廷嘗欲罪主藏者師服力爭之坐謫後事直以職方郎中致仕元符中卒壽百歲子棡

棡字顧道崇寧中爲開封府推官高麗自元豐後踰三十年不脩貢棡以給事中往諭還知開封府進工部戶部侍郎坐累削秩知單州爲宓子賤巫馬期三賢請立祠朝旨賜額改知宛丘公帑饒富有庫二十四棡書其門曰陳宛丘賜食錢餼吏士秩賓筵勿浪費法最先保終吉醴如泉大觀初知蘇州陳州河中

成都府召入奏事除兵部侍郎尋除龍圖閣直學士再鎮成都陞辭徽宗稱其清謹循良後知中山府卒子激

激字彥高工詩能文書畫俊逸將命至金被留比還命官翰苑後遷待制知深州有東山集十餘卷

吳祕字君謨爲侍御史知諫院以言事出知濠州提點京東刑獄好學著書作周易通神五卷註楊子箋太玄嘗歎春秋三傳同異欲作集解因乞閑郡除同安

魏宏字損之司理岳州有因不承罪閉口不食宏引

問曰塞若鼻則奈何因懼自服人問其故曰彼必善服氣塞鼻則氣結故懼後遷朝奉郎所歷多善政

吳申字景山自南京國子監教授召爲國子監說書英宗初爲睦宅都講初宗室坐序以爵自賓主講官位席設於東隅申曰宗室當與講官分賓主自以親族尊卑爲序卽不就坐太宗正不能決以奏聞英宗是申說神宗擢爲御史時王陶以論宰相不押常朝班出知陳州申言風憲任重宜留陶以勵其節又言內外官宜久任又乞命內侍省保認內侍有無過犯然後驅使不得指名抽取或在外作過委開封府皇

城司覺察之尋知諫院出知舒州卒詔賜其家絹二百疋

徐洪字孺興父舉尚書屯田郎中洪爲人有大志讀書好其治亂得失之大旨爲文長於辨說其奔放馳騁上下反復之際有足壯也未冠聲號聞四方初中進士除洪州司戶叅軍不就退居大江之南好僞儻非常之奇節不肯少屈於人居八年以父命始強出爲金谿主簿非其好也洪居家遇人無親疎豁如樂赴人懇爲主簿不以非其好故怠其意其治能有愛於人金谿富人錮山林之利數十年洪始奪之而縣

之貧人賴其利攝安遠事死安遠年三十有二會南
豐銘其墓

謝麟字應之調會昌令民被酒夜與仇鬪旣歸而所
親殺之因誣仇麟知歿者無子所親利其財一訊得
實再調石首令縣苦江水爲患麟措米萬餘斛壘石
障隄千餘丈人號謝公堤通判辰州知沅州徃賊陷
辰溪麟招捕之詔使經制宜州獠降其種落四千八
百人納思廣洞民千四百室得鎧甲二萬加果州刺
史知荆南涇邠二州元祐初知潭州加直龍圖閣歷
江陵鳳翔府渭桂二州融江有夷警將吏議攻麟以
計平之戍兵從北來不習水土麟部土人使極南而
北兵止屯近郡賴以全者甚衆卒于官

徐大正字得之少舉進士便馬善射慷慨有氣略其
赴省試過釣臺題詩蘇東坡見之遂與定交及其入
仕齒髮不衰輒欲處閑就幽嘗築室北山下爲閑軒
居之秦少游爲之記而東坡爲賦詩人以北山學士
呼之又少游贈詩建安自古多俊髦徐子磊磊尤其
豪論兵說劍走湖海身勤事左無所遭綠水五校已
屠膾黑衣三衛羞徒勞歸來故山便卜築脫棄萬事
輕鴻毛

黃暉字東暉知曹州之屬縣童貫宣撫陝西道出曹郡縣羅拜於庭暉挺立秉笏貫密詢其姓名暉遂棄官去

張敦書字載道平生清白曠遠遇事無凝滯嘗爲弋陽丞攝邑事政平訟理邑人爲立生祠陞江夏令卒官

吳安中字德固宣和中爲建德丞方臘竊發青溪安中招降旁盜有力特除御史臺主簿歷知桂陽監瓊州所至有聲

葉廷珪字嗣忠少嗜書貧無可讀其曾祖以差役至京傾橐市歸因得盡讀之政和五年累除武邑丞時興燕山之役廷珪三部軍餉一粒不失轉知德興縣張邦昌僞詔至不肯拜中興後差知福清縣縣瀕海民困鬻鹽廷珪創增鹽錢稍獲其便又有煮鹽利害圖及書州縣徃徃遵用之召爲太常寺丞輪對乞搜訪遺書補中秘府高宗嘗問方今禮樂之事廷珪以兵革未息禮樂未遑爲對秦檜聞之不悅未幾出知泉漳二州廷珪性故喜讀書肄業郡學升貢上庠登名桂籍牽絲人仕四十餘年未嘗一日去手每聞士大夫家有異書無不借讀讀卽無不終卷嘗恨無貲

不能盡寫作數十大冊擇其可用者手抄之名曰海錄文多者爲海錄雜事細碎者爲海錄碎事其未知故事所出者爲海錄未見事其事物興造之原爲海錄事始其詩人佳句曾經前輩稱道者爲海錄警句圖其有事跡著見作詩之繇爲海錄本事詩獨碎事文字最多初謂之一四錄言其自一字至四字有可取者皆錄之後改爲碎事每讀文字見可錄者信手錄之既知泉州公餘無事因取類之爲門七十五爲卷二十有二事多新奇未經前人引用者復好爲詩與吏部員外郎宋喬年以詩相善喬年議論少許可

獨喜稱廷珪詩在泉中與傳自得一見如平生會卽談詩一日誦其所作郡齋羅漢室示自得末句云幾多鴈鷺行間吏衙退頻來禮釋迦自得謂廷珪予每讀韋蘇州詩今朝郡齋間欲問楞迦字未嘗不廢卷太息想像蘇州之風流蘊藉而知其當時之政泉故劇郡公使吏輩優游如此此可觀公廷珪欣然以爲會心之友

張以中名禧以字行仕至都提舉父沒計至哀毀踰禮自以親老在堂宦游於外生不能爲養歿不能爲殮遂不食哭歿于道中詔旌表其門曰純孝

魏懋字覺民紹興初令雩都時江西盜起出私帑犒勵弓級誓與死守有巨寇謝樵者來攻邑治累日不能尅遁去大將岳飛將兵過境上見其邑完甚稱賞之後范汝爲寇鄉縣先墓被發號慟棄官歸比至寇已平緝得兇人梟之墓右上狀自劾郡將義之釋不問後知南昌縣卒鄉太守魏疇爲誌其墓有述其捍寇復讎之義以爲訓孫復中延平法曹

呂希說爲劍浦令剛介持名節不爲苟合

魏行可字當時建炎二年以太學生應募見高宗曰四郊多壘卿大夫之辱也臣不敢愛其死高宗亦嗚咽久之遂補右奉議郎朝奉大夫尚書禮部侍郎使金人留之行可遺金人書警以不戢自焚之禍金人逼其仕歎曰人誰無死爲國猶生也仰天號慟飲鴆而亡時紹興六年贈秘國脩撰先已官其二子一第至是復官其孫公壽

公壽字元齡初尉龍游以薦調莆陽法椽直閣林孝澤家居謝却賓客公壽至必延語竟日執政黃祖舜聞其賢招以書欲論薦之公壽曰招其來而薦之非知我者竟不往後爲韶州推官以才智練達爲帥臣所知

魏孝友字移可卓犖不羈弱冠入太學應詔論時政得失凡十餘疏欽宗被留虜庭孝友作歌一篇情辭悽惋傳播虜中躬詣軍前欲與粘罕辯伏地兩日不得達傳亮勤王至闕檄為幕府從事慷慨請行迎高宗比即位授廸功郎令定遠寇犯邑境出兵與戰邑僚先遁孝友以孤軍弗支遂歿之贈朝奉郎官子一陳庭傑字朝彥性資剛正學問精深鎮什州縣餘二十年惡言詈詞拂心逆意處之晏如為張九成所稱陳扁字純中通判信州有詔發郡兵戍江淮郡兵欲因為變扁方攝郡取首謀竄之旋加撫諭遂懾伏以

朱倬薦被召陳康伯郡人也乞且留治所除知信州加直秘閣遷提舉淮東常平茶鹽公事乾道間劉珙再薦除江淮坑冶鑄錢使孫梓梓字處恭注荔浦尉易廣州司理轉丞顛李元礪叛洞獠因之懷反側州擇屬慰撫獨梓承之深入洞中與其酋詣州州官欲殺之力爭不得棄官去諸臺勉回酋得以全州後有事於洞洞獠拒曰必得陳丞乃可辟令信豐治妖巫葺黻舍改知寧化寧化民出入佩刀梓曉諭之俗為之改通判南雄以薦知南恩始到郡例取公鏹若干却之有持一鹿獻者如直償焉

江寇竊發移鎮南安皆相戒不敢犯士民像祀之陞
本路漕使屬部有餽贖斥去曰官以監司爲名受所
監臨賂可乎吏以例冊進曰某也可梓曰非君賜皆
不可就領安撫司事年穀不登力講荒政誘致米商
卒爲稔歲蠲合得金爲寄椿之庫漕計克斥積官朝
請大夫

陳元裕字德寬博學能文補入辟雍紹興十二年廷
對力詆和議試教官八等分教明州湯鵬舉爲御史
首薦之召除將作簿

虞韶字以成舉進士博通今古善詩文嘗纂集小學
日記切要故事行世

袁詵友嘉泰間守越州有善政累資政殿大學士知
樞密院

陳洙字聖涯嗜學刻苦博通群書隆興初試南宮胡
銓奇其文欲以魁多士詘於異議不果後以銓薦歷
官知安豐縣興學校括廢田養士脩芍陂以興灌溉
性重義好施家無贏餘有貧貸者鬻產不靳終奉議
郎

翁德廣剛直老成孝友行誼信宗黨淳熙中以朝奉
郎知龍溪縣實意愛民不爲赫赫聲朱文公守漳時

以刑獄詞訟財賦三事察其施爲則見縣所解徒流以上罪州司理院再行審鞫囚無異辭以爲委曲難問縣得情矣而刑獄清縣理訴牒日百餘紙巧僞詆譎姦詐百出隨事處決終朝而畢而未嘗有加責留禁之人而詞訟平公縣所賦入龍溪最號浩繁德廣止民追督從容憑辦民自樂輸而無抑配科歛之患而財賦集於是稱其治行庶幾古循吏而薦之朝黃洧字清臣父銳官朝請郎提點江淮荆浙廣南福建坑冶公事洧以遺廕補官調高安尉時江西群盜充斥王師討捕相繼洧以射士爲大軍前行數與賊

遇秩滿授興化軍司理叅軍問事旣得其情卽復告以法所當得罪且問若此寧有寃乎必反復無異詞乃具獄上府監紹興府錢清鹽場改宣教郎知候官縣治尚寬簡先教後刑訟者及覆曉譬之或失所爭去民爭先爲里正曰官無賦歛里無盜賊吏不敢躪號村落間此時不可失也母江氏故家福州族黨衆盛歲時往來親親之意甚厚而無一人敢以私事請者簽書平海軍節度判官廳公事郡守辛次膺鄧柞范如圭咸委重焉秩滿造朝給事黃祖舜薦之欲留官中都辭母老求通判福州以歸未上母沒執喪哀

毀治葬勤劇喪畢除知南雄州郡小用度不饒舊率
法外科贖至榷酒酤增稅柵洧一切罷之州故與建
饒贛三州代輸坑冶司歲貢白金各若干兩故事皆
取於民以辦洧請以郡大小爲差詔悉蠲之改廣南
東路提舉市舶更爲轉運判官廣學租禮名士益勸
諸生學番禺令近在帥守諸司治所肆意爲姦無按
舉者洧捕其吏屬劾之一夕獄具奏上閱實抵罪以
去其餘不循法度以病民者隨罪大小以次繩治於
是一路肅然市人困於官估乞奪之擾洧罷除之復
上奏請均其法於諸路丁籍久失開收口賦之逋均
及鄰伍流亡日衆選吏覈除之瀕海蛋戶數萬生理
至微亦有役於州縣洧悉免焉按行所部問疾理冤
不憚荒瘴江浙歲饑有旨發二廣義倉米航海詣永
嘉往時嘗有此役吏並緣以擾民而米不時達洧處
之有方且并西道所發轉致之不越月而至永嘉者
八萬斛改使荆湖南路首論諸州以租米饋荆鄂襄
陽諸軍地理之遠近不同則運載之費出於民者宜
有多寡今諸州不能前知所當詣因悉以遠地爲準
而取其費謂宜詔摠領所前期下諸州使知所當詣
而隨其遠近以收運費異時郡縣預借民田租稅及

他非法取民如茶租如甲札如戶帖如乳香如茶引之屬一切禁絕之檄州縣勸民益廣陂塘代以金穀尋被旨按行諸郡入春陵界聞榔桂饑民相聚剽劫卽日還車披山通道不一二日至榔問賊所巢乘夜深入群盜不意相顧駭愕一夕潰去洧召其酋豪譬以禍福慰安其餘檄州運米躬視賑給遂以無事兩郡民悉畫像生祠之洧內剛外和接物謙卑人有片善稱不容口至論天下事有不可意則未嘗有所假借也

黃碩字興周舉進士對策稱孝宗意親擢爲第一調

平江教授改宣教郎鎮南筴判再轉昭信軍乞祠年八十一官至承議郎

葉湜字子是舉進士以父任調新化簿遭母喪服闋從江淮宣司辟以論軍事不合去尉贛之寧都改承事郎丞惠安縣時守泉者真文忠公文忠嘗言僚佐之賢者數人而湜與昭武李方子公晦其最公晦學邃氣平本經術明世用子是堅疆介直遇事無難意處劇亡勸容他人所不能爲與所不敢者吾盡舉屬之二人勁易不同同歸于是文忠旣得二人之助二人亦相得甚歡也湜仕終安仁令壯歲游朱文公之

門得直養之說故其為人磊落明白無所回隱每自謂平生與賓客言者皆可語妻子

黃自然字元輔嘉定末教授郡學以理學誨諸生齋宿問辯率至夜分及潛廣西猶捐俸餘助脩禮殿官

至吏部侍郎

皇朝科第

子午卯酉屬舉人辰戌丑未屬進士

洪武十七年甲子鄭輔

曹文

張文貞

張和俱府

學

十八年乙丑鄭輔

曹文

張和

張文貞

二十年丁卯吳道光

黃宗

李梯

姜宗德俱府

學翁德

二十一年戊辰翁德

二十三年庚午陳觀

林安

董文貴

童文羅

一作羅許壽俱府

二十四年辛未

按是年狀元許觀以歿靖難削籍什題名碑

林安

陳

觀

二十六年癸酉彭福

張貴

二十七年甲戌張貴

建文元年己卯

按建文元年號己卯經詔書仍舊今陳改洪武三十二年仍稱建文元年

綬

劉德

李瑀

林保

一作

二年庚辰劉德 李瑀 陳綬

四年壬午張策

永樂二年甲申進士 舊志有洪武三十五年一榜攷是歲革除故元年開科而二年

甲申會試 彭福

三年乙酉饒賜 一作賜 林繼宗 謝善 林道安

魏福 俱府學 高第 張黻 王觀

四年丙戌饒賜 復姓陳 林繼宗

六年戊子徐表 張意 許繼 俱府學 吳安 黃鑄

張第

七年己丑謝善

九年辛卯孫應 張順 府 李惠 杜琮 杜自然

十年壬辰高第

十二年甲午鄭以誠 黃仲芳 任保 謝時清

俱府學 范忠 魏瑢

十三年乙未黃仲芳 魏瑢

十五年丁酉李衡 府學 陳祥

十八年庚子陳悌 馮鐸 彭友 滕康 譚廣

范圓 俱府學 暨和

二十一年癸卯吳惠清 府學 游賢

二十二年甲辰陳第 范忠

宣德元年丙午陳華

四年巳酉滕員 府學 吳智

十年乙卯江漢 府學

正統九年甲子馮鉞

景泰四年癸酉劉璣 府學

七年丙子范榮

天順三年巳卯徐鉉

成化元年乙酉謝諫 吳文元

二年丙戌吳文元 智子

四年戊子滕祐 康孫

十年甲午葉華 府學 范鉞 彭程

十三年丁酉徐鍵 唐洎 府學 童錡

十七年辛丑彭程

二十年甲辰滕祐

二十二年丙午張秀 童欽 應天中式

二十三年丁未徐鍵

弘治二年巳酉黃塗 仲芳子

五年壬子楊麟 范嵩

九年丙辰張秀

十四年辛酉謝龍 府學 唐汶

十五年壬戌范嵩

正德二年丁卯謝純

五年庚午田賦府學

九年甲戌田賦

十一年丙子李默府學 王士策

十四年巳卯楊紹祖 王應詔俱府學 高山

十六年辛巳進士是年以巡故改庚辰為辛巳 李默

嘉靖元年壬午陳儒祥 范宣嵩子

四年乙酉張雲漢

十一年壬辰王應詔

十三年甲午滕鶴齡 徐行俱府學

十六年丁酉陳濡應天中式

二十二年癸卯魏世熙

二十五年丙午滕大本

二十八年巳酉張文獻

三十一年壬子程實 張永昌 熊曉

三十四年乙卯陳紀府學 滕伯輪鶴鳴子

三十五年丙辰陳紀

三十七年戊午黃居敬

四十年辛酉趙秉忠解元 張震時 朱東光府學

陳應秋

四十一年壬戌滕伯輪

四十三年甲子楊道輔府學 吳中禎 李應暉

四十四年乙丑程實

隆慶元年丁卯郭臣府學 魏良臣 陳應熙應秋兄 滕

甘霖 湯謨

四年庚午張沛

五年辛未魏良臣

萬曆元年癸酉黃應龍 謝桂芳俱府學 虞大順

二年甲戌趙秉忠

四年丙子吳應陽府學 龔懷義

五年丁丑陳應熙

七年巳卯陳焜 陳熾府 朱東晉 陳二樂順天

十年壬午葉宗舜府學 謝朝佐

十三年乙酉徐夢熊

十四年丙戌謝朝佐

十六年戊子任本信

十九年辛卯陳兆芳紀侄府學 陳思尹 楊朝綰 周

武烈

二十五年丁酉李懋治

二十八年庚子鄭際明 府學

三十一年癸卯范燿 徐夢星 順天 中式

三十四年丙午劉道生 第四 任可愛 府學 徐士奇

三十七年巳酉謝紹芳 順天 中式

四十年壬子楊廷植 徐天丁 袁文新 順天 中式

四十三年乙卯陳國鑰

四十六年戊午李日登 蘇眉俊

四十七年巳未陳國鑰

薦辟貢士監生賢者雜見列傳中

有傳

李鐸 趙友士 黃琮 陳琪 童叙

林道安 陳賜 杜琮 鄭以誠 黃仲芳

子湓 彭友勝 康 孫祐 員 祐姪孫

員曾孫 伯輪 吳智 子文元 彭程 徐鍵

范嵩 田賦 高山 雷燮 李默

謝元 鄭明 范亮 徐淹 楊松

陳儒祥 陳濡 魏世熙 滕大本 張文獻

陳紀 黃居敬 池鍾慶 張震時 程實

張沛 魏良臣 黃應龍 虞大順 吳從周

陳應熙 陳焯 謝朝佐 張鶴鳴 李兆庚

張 衷 徐性成 楊汝材

李鐸涉獵五經尤邃於易洪武中以明經薦授監利教諭為文一主傳註不尚穿鑿誘掖為多

趙友士字志道宋宗室裔純厚樂易洪武間以明經舉為府學訓導正已率下生徒樂從官至國子助教

黃琮字用周仕江西按察僉事得風憲體

陳琪字良王永樂初由監生除常州通判嘗部丁夫役天壽山會車駕臨幸琪上怒工役不力作杖

總督成山侯三十同事者曰侯且若此吾儕齏粉矣時有怒琪者同事為琪恐或勸自引決琪曰家有老親豈可更遺其累

明主必不深求也翼日有

旨但杖如成山數而已郡有猾官吏莫誰何

琪執至庭杖歿之合郡歡舞望府門而拜有富室周者語人曰陳西衙杯茗款我千金為壽或告琪琪若不聞也未幾檄治孟瀆河召周勅之曰聞欲千金壽

我與其私一人孰若公之孟瀆之河堤圯吾茗乃公乃公為我辦此乎曰謹如教遂完堤堤甚堅秩滿民

詣闕保留進奉直大夫協正庶尹仍通判常州府事

童叙字景和好學至孝永樂四年以孝廉薦至京念母老乞終養詔許之所著有臨清集

林道安洪熙間由給事中左遷德安丞寬厚愛民去而見思

陳賜字孟嘉舉進士授監察御史遷知南雄府蒞事精敏寬猛得宜廟學久敝悉加脩治洪熙中疏豁虛糧二千餘石民困蘇焉

杜琮字孟清永樂初應詔預脩大典領應天府辛卯鄉薦歷上高全椒二學教諭秩滿之京吏部尚書王直聞其名延之教子其子稍失禮拂袖歸直聞益重之選監察御中陞山東布政司左叅議皆舉其職卒于官

鄭以誠字彥思善籀文自鄉舉擢吏科給事中陞雲南叅議招撫干崖南甸流民二千五百餘戶開墾通海河西二縣荒田二千五百餘畝土官刺馬非南八鬪殺不已承命往諭解之致仕卒

黃仲芳字時茂永樂中舉進士選翰林庶吉士仁宗在東宮嘗語楊士奇曰孤介自守英邁異人惟見一黃仲芳也出知東陽首鋤豪民奸吏鄰郡有盜犯境計殄之市有三虎移文城隍射中其一其二遁去秩滿邑民詣藩臬懇留弗獲大臣以才行薦擢湖廣左叅議施州有僞土官殺兄奪其官拒捕十八年

設方畧擒之遷雲南右叅政尋奉勅選將平麓川夷
靖遠伯王驥薦爲副時宦王振專權仲芳自外疏論
之會振敗得免卒于官子塗其其二
塗字廷冕任東莞縣調清遠剛方廉敏歷官九載囊
橐蕭然

彭友字信之授桐廬教諭改分水再改曹縣陞荊州
教授所在嚴教條敦士習學者懷之

滕康字景晉正統中通判松江改惠州郡病水濫而
海運益急力請得近輸又請減虛稅之病民者廣寇
黃蕭養起竭力固守寇偵知有備引去藩臬交薦陞
惠州知府孫祐

祐字吉甫舉成化進士授行人司行人弘治初擢監
察御史抗疏論傳奉官不宜濫授太常清職不宜濫
及黃冠 孝穆紀太后 孝宗生母也

太后廣西賀人早薨莫知其親族 孝宗
登極追念 太后遣使入賀訪之有司漫舉應

詔因得冒官賜宅未幾有訐其僞者詔祐往究祐微
服聞道與猺獠叟媪指顧究質潛跡其廬井丘壠以
聞僞者遂得罪祐早孤事繼母如所生友第睦族置
五世祭田待母黨處故舊甚厚姪孫員

員字尚然正統初授韶州同知韶地介江閩湖三藩之衝客戶倍土著少拂其意輒相煽弗靖翁源乳源尤甚員巡行開諭許其占籍遂與編戶無異值歲侵傾囊告糴鄰郡命里正籍其尤窘者朝夕給之郡治故爲淮王府王遷國饒州復爲郡治規制侈大且吏胥無所於處員削雕還樸復其常式度地爲吏舍限其出入絕交構之弊異時吏鮮通律員削牘示之以憂去服闋耆老數百人詣闕乞再任會代者已赴遂擢禮部郎中正統乙巳扈駕北征歿於土木之難贈奉政大夫官其子弘

弘爲邵陽令弘子澍海州同知有廉能聲澍子鶴齡南安府判以朴孝聞鶴齡子伯棠豐城訓導廉直著稱弟伯輪

伯輪字汝載令番禺以德禮道民若嚴師在上不敢一日逋蕩而嬉會兵鼎沸擊太守門諸司捷戶避之伯輪出乃不至亂入爲吏部郎出督學兩浙聲教整嚴所掄錄號得人歷廣東按察使布政使粵人葉春及以擬之先輩仕粵者莆田彭公韶臨海陳公選華容劉公大夏蒼梧吳公廷舉擢都御史操江南京條上江防八事督撫浙江值歲凶開倉煮粥令材官四

出告糴芻粟厲至力疏請改折漕綱停減織造僉見
報可颶風起海鹽防海塘堤震壞設方略發帑脩築
春汛海上忽島夷集數餘艘將入犯憲率諸將擊之
捕首虜百事聞恩賚有差頃之遘疾卒計聞贈兵部
左侍郎蔭一子諭祭葬

吳智字本性以舉人授弋陽訓導陞曲江教諭擢南
京國子助教致仕爲人魁偉凝重教導有方時稱師
儒之表子文元

文元字善長舉進士選監察御史巡按浙江禁奸革
弊無所忌畏歲當鄉試鎮守內官以生員試事干請
文元摘姓名斥出之陞浙江副使建議海道便宜十
事上命巡視大臣議行陞河南按察使致仕
文元端重詳雅居官存大體處家庭至篤居鄉里恂
恂無識不識知其爲長者也子正儀真訓導儻有
志節詩篇豪放書亦遒勁

彭程字萬里舉進士授戶部主事左遷隰州同知轉
知州擢僉事兵備宣府所著有兵法纂

徐鍵字啓之舉進士授戶部主事歷員外郎中奉命
賞邊羸餘悉以歸公出知高州府恬澹自處鄉邦重
之

范嵩字邦秀父澄見韋布嵩舉進士授寧國府推官
廉明有威數決疑獄六合有豪利某有家羸貲素以
賄結近侍權要及中貴人恣睢豪橫前後部使者莫
能舉按巡按御史黎鳳以屬嵩嵩廉得其殺人不法
數事置之辟豪持重賄入賂逆瑾瑾詐旨逮鳳及嵩
至京未及推鞠豪已斃獄事得寢擢監察御史巡視
京城瑾有校尉某橫甚嵩因事召答之瑾來索賂又
復不與會奉命校勘兩廣錢穀事未竣遭外艱遂因
考察調之外任服除補襄陽府推官法嚴心恕多所
平反轉南儀制主事主客郎中陞河南僉事廣西兵
備副使勦捕賊首黃武夫等有白金絲幣之賜丁內
艱服除補廣東擒勦臨高縣劇賊王來等空其巢選
兵壯立營防遏萬瓊黎賊出入之路皆脅息不敢變
有民黃桂商歸姑往訊之晨歸爲賊所殺焚其屍姑
夫訟桂嵩心疑之騎出城東門眺望有異烟導馬首
至焚屍處撻得婦人棄冠默示其夫卽婦物也因密
訪姓名捕得首飾抵罪人以爲神陞廣西按察使雲
南右布政使轉左尋陞右副都御史巡撫四川時番
酋擾亂嵩遣將運謀先後斬獲賊首擦舌等六十九
顆擒獲陳汴等四十三人因請脩建武學畜養將材

以備邊復言中國有夷狄如晝有夜陽有陰古今制敵之方惟嚴內外之防治以不治而已蜀地西接吐番外連南詔政教罕加大羊難馭先朝控制整飭至備至周爲將者誠能固封疆備邊塞設險訓師則威武自肅盜賊自弭夫何徃年邊士以安靜爲無功每每窺伺番夷臨邊樵採人少勢孤輒出不意擒殺之解報首級以爲犯邊彼見無辜被殺糾集番衆索償報讎大爲邊徼之害又有貪功官員罔顧事機一槩請兵征勦不知軍旅一興供餽萬億鋒鏑之下玉石俱焚夫夷狄禽獸耳其入我田園侵我稼穡我縛執之獵取之宜也若其飛翔山林之間奔馳平曠之野固其所也乃恣貪恃力過爲獮取豈安內攘外之道哉臣欲按行各邊將領守備等官除犯違干紀者聽其殲勦立功以靖邊塵若所犯只是鼠竊惟當固守嚴備不許幸利饗功虛張首級以致勞師費財若守邊盈年寧靜而無戰陣之危聽臣從宜犒賞若二年以上邊土保安而無起戎之憂聽臣奏保陞用庶幾守在四夷有拒勿追之道朝議避之陞南工部侍郎未及暮會其子宣歿輟致仕年八十餘卒嵩儀貌凝莊談吐清亮禮恭意下生平不作一睚眦水炭恬

淡勢利不戀官爵故以名位壽考終宣年十七領鄉
薦注意天下事天下事悉考究有成說年僅三十士
論惜之

田賦字用周舉進士選刑科給事中奉勅攢漕兩淮
陞池州知府調繁淮安善詩文所著有齊山志紀行
錄管鳴集巡漕集困橫集野樵雜言

高山字仰止家貧授徒隨所入分賑諸弟以舉人訓
導丹徒終南安教授所至士尊師模

雷燮正德末以貢士知平樂縣值徭徸群起民棄家
逃賊相聚依險自固燮下令招撫復業者免其賦貧

無牛種者官給之

郡志註荔浦知縣
恐繇平樂改調

李默字時言舉進士選翰林庶吉士明年嘉靖改元
脩迎立功欲倣

成祖封尚書茹璫故事擬執

政封爵默上執政書規之改戶部主事陞兵部員外
郎大同卒剽悍動輒嘯呼默奉命往兌軍士戰馬至
易州下令約束翼日出居庸關分給軍馬以數萬計
無譁者頃之胡侍郎瓚命赴鎮經畧措置乖方卒
復訛默抗疏論列請亟易帥瓚即日召還而大同兵
變遂定調吏部文選陞驗封郎中議復開國勲臣誠
意伯暨常李湯鄧四氏爵蔭真人邵元和以符術方

貴幸請封誥默奏勿予朝論避之屬天下計吏至白
尚書桂萼令條上境內便宜輒加論次編輿地圖若
千卷凡天下形勢要害兵賦盈詘與夫脩攘罷置之
畧悉具尚書竒其書以表奏

世宗嘉悅出示

輔臣命藏副內閣而尚書推薦默爲國子司業默辭
弗就兩與文武會試文試得葛守禮等二十三人武
試得陸炳等四十餘人多知名士當武試畢時就兵
部宴兵部王尚書者故侍郎吏部當就宴以屬官禮
待默默曰默本公屬嚙命與試則賓也何得貶賓禮
稍與競王尚書疏劾默坐謫寧國府通判默雖坐謫
顧

世宗心是默所持以此注識之矣默判寧

國周咨隱痒陶范髦俊纂脩郡乘建靖難歿亡陳尚
書祠精心受事不厭薄官守陞廣東僉事主屯楹二
政署有大榕樹根蟠門默官暇輯

國朝典故

其中名孤樹哀談陞雲南副使督學政首經術崇行
誼購遺書廣厲學官表賢者墓窮荒僻遠文學嚮風
歷浙江叅政按察使左右布政大都端毅庶直所至
有聲久之大臣以公輔器薦起太常卿掌南京國子
監祭酒事脩監規立饌法及殯賻諸儀著爲令甲官
屬博士等官得備臺諫選自默發之陞禮部右侍郎

改吏部右侍郎尋轉左奉

旨撰庚戌進士題

名記虜大入寇京城諸門戒嚴默奉

旨守正

陽門調營兵五千畫守甚設而奏令開門無困居人

虜尋引去陞吏部尚書制家宰非部長卿有殊望者

弗與

世宗知默特以卿貳陟異數也時相嵩

當事前此吏部率以疑事嘗嵩嵩得從中持之默處

置堅決莫能短長奏輒報可無有留端為嵩地者遂

與嵩卻久之遼東巡撫缺默推張布政臬臬雖嵩鄉

人而素疎

上偶問嵩嵩遂力言不任

上怒而先是咸寧侯鸞以干請不售為密書疑

上遂罷默歸明年鸞以逆誅會吏部尚書員缺

廷推數人

御批特令默復職召直無逸殿許

乘馬禁中與玄撰稱吉

御書忠好二字于名

札間時出內府金幣徹御前饌賞賚未幾加太子少

保復兼翰林學士命代祀文廟又代祀先聖先師于

永明後殿方有爰立之命相嵩每阻其進客有諷默

明哲自保者默嘆曰吾備位公卿年幾六十尚復何

求惟有致身耳屬歲大覲默內贊穆清外秉吏計戒

門下毋入一賓客即同直大臣亦淡月不相往來相

嵩無所得為人地以此滋不悅而先是嵩子世蕃規

機利多請託侵官陰執國政默微諷嵩曰公身許國
久墳墓濡降當在夢寐曷不令嗣君一掃展嵩曰然
吾將念之久之不遣復爲請嵩曰孰令我一子而不
長侍膝下乎君數請去何言之亟也默曰外言藉藉
宜暫行以息之嵩忿然作色曰謂煩諸曹不過交游
多關白其便亦無大故何遽奪吾父子依今在我也
人皆藉吾子者云何無寧有意督過之也於是怨默
益深會工部侍郎趙文華當浙直禦寇欲攘功請視
師及還報自施勞伐謂本兵在掌握默不爲引大失
望

世宗念倭殊未弭方憂之甚意趙文華虛

言滅賊時時問相嵩狀嵩爲支吾對文華始大懼遂
密奏臣還京時零賊可指日滅至今未殄坐吏部所
選督撫不稱此繇尚書默恨臣劾逮其同鄉張經爲
之報復默黨逆不容誅抑默部試選人策目引用漢
武唐憲始以英銳興晚節任用匪人至敗默謗訕無
憂國奉公之心

世宗大怒逮默詔獄論死始

張經赴西市默頓足歎人有先告嵩矣又數數於公
卿間摧折文華過當至是兩人引繩批根以償其所
交惡夙憾默既得罪踰年從獄中再上書

世

宗注覽久之縉紳大夫咸知天威漸霽冀其復用而

默溘然卒矣隆慶改元南吏科給事中岑用賓等爲
默訟寃詔復太子少保吏部尚書兼翰林學士遣官
祭葬萬曆十三年追贈太子太保謚肅愍錄其孫銓
爲國子生默博學任節矜踔奮激言論截烈屢蹈危
機骯髒自如至于壁畫經濟揚摧風雅壹壹乎星貫
川沛發爲文章淵閣俊達有秦漢之風所著有群玉
樓稿孤樹哀談建安人物傳朱子年譜諸書皆傳于
世
謝元字朝之以貢授蘇州府訓導轉教諭篤友義與
丘湘交最善長于文辭

鄭明字希賢博白教諭清苦自將口不及貧晚年受
徒自給衣冠終日不忒閑居

范亮爲太平縣丞歲饑先賑後聞所活萬餘去任民
立生祠歲時致禮申問

徐淹字世達一字希范友人方帖遠遊適有母喪淹
出貲殯之訓導海豐學宮頽壞捐俸脩治

楊松字孟岳正德中貢士授廣州府訓導作人育才
時時以禮教諸生學士黃佐爲諸生時貧甚松却其
贄重遺贈之佐父善星曆人多奇中而松謂之曰子
占人多中余以文占汝子亦奇中如子矣佐果以其

牟魁多士以母喪歸貧甚莫自存也乃時時自謂宇宙道義場中不會饑餓倒人服闋復授廣之香山香山僻在海隅士習樂游衍耽聲利松時時謂之曰陳公甫非汝隣邑偉儒乎彼其一孝廉倡道白沙崛起南服至今江門煙水白龍池之風月揭揭如在同時握鼎鼐持衡樞者今安在也而况如諸生者樂游衍耽聲利哉諸生聞言咸躍然感奮卒于官

陳儒祥字明瑞官至通安知州歷任一力自隨食無重味例金贖鍰盡却絕之州地故不能通水屢被旱災儒祥相地開河教爲水車遂成沃壤及歸行李蕭然鄉居子孫困弱不知所終

陳濡知無爲州有惠政歸家敬祭祀恭丘墓以孝友率子孫

魏世熙嘉靖中令平遠海寇至設奇禦敵四境賴焉尋解任歸當道上功於朝有銀幣之賜

滕大本字子元嘉靖中任廣昌令有惠政以親老歸養將歿預知了期人謂悟化

張文獻字用徵嘉靖中令英德平流賊卻例金守正不阿改調定安關節不通豪右懾服爲海忠介瑞所重

陳紀字仲理父樅見韋布紀舉進士初授漢陽令浙
中倭難其守者遂調紀於鄞縣是時督帥方欲招撫
王直大索諸縣牛酒犒師紀挺身白罷之拮据多方
保障有賴調爲貴州道御史三疏時弊

世宗

嘉納陪祀郊天執禮忤分宜相卒莫能誦分守嶺東
大帥妄殺躡功紀發其狀論罪歷淮陽副使以父老
乞歸生平不以法假人不私人一物亦不一物

私自

黃居敬字欽甫歷亳州知州敦謹禮讓恬然自守

池鍾慶字必大博極群書剛介自持與李肅愍默友
善肅愍擢冢宰報至慶方與對奕終局自如讀書窓
下雷擊窓樹神色宴爾嘉靖間爲蕭山訓導年九十
餘卒

張震時以舉人授南寧推官平反大獄民服其斷陞
廣州府同知有政聲以母老歸養

程實字時彰令秀水執法除害靡所假借轉判大名
府以母老乞歸

張沛字德夫隆慶中舉人歷沅州知州賑飢活民鎮
兵缺餉汹汹且變沛諭之咸羅拜受命及歸行李蕭
然二十餘年清醇真率以孝友名其鄉

魏良臣字以忠隆慶中舉進士令崇明邑有倭警言民

復相率爲奸設法平之尋補溧陽歲不熟有易子者
捐俸賑之入爲工部郎築城建殿多所營造出知南
寧府平土人之亂放交趾入貢不受例金捐權關之
羨以備邊儲再補鄖陽會大旱人心思亂爲罷一切
煩苛之令民咸感悅轉廣西督學副使卒

黃應龍字國瑞署長葛學諭賑貧卻贊陞知岑溪縣
拒李鎮守兵餉常例撫陳三峰猖獗渠寇創丁蘭祠
造黃華橋邑襍徭獯俗尚刁奸應龍爲之蘇奸芟雜
民用按堵離任行李蕭然軍民遮留之

虞大順字汝孝性個儻輕財好義不屑脂韋令顧檢
甫載餘拂衣歸囊篋蕭然

吳從周字世憲博學善文以孝友爲學使宗臣所稱
萬曆中應貢廷試第一訓導海鹽與友生商榷今古
致仕杜門所著有石匏集史辯書疑四卷

陳應熙字仲穆孝子榮玄孫也舉進士授潮州府推
官訊鞫論報迎刃而解擢戶部郎權河西務中官撓
政商賈不通熙上狀寘法尋監兌湖廣歲大歉請易
漕粟以折色於是得留粟數萬斛賴活者衆陞員外
郎卒

陳焜官國子博士卒有孝友廉靜之譽

謝朝佐字良輔父明揚為人剛直不阿以歲貢遙授
 訓導朝佐舉進士授安化令調繁南城清除濫冒不
 避權貴出久寃之獄捐貲賑濟旱疫死者櫟棺之召
 人為御史屢上章言事皆切時政嚙命巡按廣右尋
 卒

張鶴鳴由歲貢任建昌訓導署新城縣印有張老不
 費百姓一文錢之稱終羅源教諭致仕

李兆庚字啟新繇歲貢初授太倉州同知歲值旱疫
 多方拯拯遷崇明令設法防倭殯埋白骨屢出寃獄
 去日百姓追送於崑山

張秉字君正繇歲貢歷任晉川

自其

徐性成字仲善繇歲貢歷通判廣信

也舊患礦盜封禁已久性成掌府事值中

採多方阻罷累署郡邑篆興利除害為民造福轉雲
 南祿勸州致仕

楊汝材字以達行誼恬卓博古摘文以貢授訓導竟
 歸未幾卒



閩書卷之九十五

英舊志

縉紳

建寧府

建陽縣一

唐

熊博 熊衮

熊博其父避黃巢亂自南昌徙閩博有財勇尚氣節
中和四年陳巖為建州刺史時州治被巢焚燬博寓
治建陽巖卒徐範據州叛以應王潮博遂遇害

熊衮其先南昌人昭宗時為兵部尚書燕御史大夫
性至孝時當亂後例無俸給惟立功時有賞賚衮悉

散之部下父喪不能葬晝夜號泣天忽雨錢三日始
畢葬事所剩錢盡舉入官其隣里僕隸得者悉化爲
土後人稱忠孝雨錢公

五代唐進士

長興 年江文蔚 阮思道

有傳

江文蔚

江文蔚字君章爲河南府巡官有高才與韓熙載名
相上下而熙載不持律操文蔚既擅價一時又飾勵
行義自爲卽時南唐禮文草創文蔚撰述朝觀會同

祭祀宴饗之儀上之遂正朝綱後元宗遷文蔚諫職
以熙載知制誥論者以爲各當其任文蔚秉心貞亮
不事阿徇時宋齊丘拜諫議大夫馮延巳爲相魏岑
亦居近密文蔚上表諫云二公移去未稱民情四罪
盡除方明國典元宗惡其大言黜爲江州司士延巳
尋亦罷相文蔚旣貶奉母以行怡然不以遷謫爲意
久之詔還爲翰林學士禮部侍郎與徐鉉同掌詞命
卒謚曰簡有唐吳英秀賦七十二卷桂香賦集三十
卷子極見後

宋科第

國書

卷之九十三 英舊

二

陳第

端拱元年戊子葉齊

第一人

江拯

第二人後唐人

李晏如

陳應元

二年己丑阮中度

思道從子

咸平元年戊戌阮昌齡

思道子

景德二年乙巳江任

拯子

大中祥符元年戊申陳儼

天聖二年甲子宋咸

五年丁卯阮逸

景祐元年甲戌陳升之

儼子

慶曆二年壬午陳洙

嘉祐二年丁酉范貺

陳鄂

六年辛丑傅鎔

一作容

八年癸卯陳軒

熙寧三年庚戌施述

六年癸丑江側

江汝舟

側族子

江翊

九年丙辰陳思錫

第三人

江立

熊俊民

元豐二年己未游醇

五年壬戌游酢

醇從弟

熊敦常

江準

八年乙丑詹時升

范致祥

元祐三年戊辰范致虛

六年辛未江翊一作游醜

政和二年壬辰江杞

五年乙未江鈿

重和元年戊戌游其藩舊作其淄建安人

宣和三年辛丑游操醇從江奇一作錡傳侁一作銑

上舍釋褐呂祉

六年甲辰丘之起

建炎二年戊申魏懋 吳櫪

紹興二年壬子丘之奇 劉淮

十二年壬戌江符

十八年戊辰陳旦 朱熹

二十一年辛未宋翔 游訾 熊克韋布蕃子郡志作二十七

年進士

乾道五年巳丑熊可量 周明仲

八年壬辰劉燾特奏懋子忠藺領之族懋特奏失其年

淳熙二年乙未劉崇之忠藺領之弟

五年戊戌劉炳燾弟熊以寧

紹熙四年癸丑陳揔龜邑志作紹興五年劉填懋孫余翼

慶元五年巳未熊節 劉銓炳孫劉炯懋子

嘉泰二年壬戌游金酉

嘉定七年甲戌宋鞏 熊剛大

十年丁丑宋慈 劉子寰

十三年庚辰葉味道

紹定二年己丑蔡杭

諒玄孫韋布沉子

淳祐元年辛丑葉采

味道子

四年甲辰宋秉孫

咸淳十年甲戌熊禾

一作鉢

劉應李

初名榮炳孫

熊新民

薦辟任子賢者雜見列傳中

有傳

阮思道

子昌齡

從子中

葉齊

江拯

子任

侄翱

陳儼

子升之

族人亞

宋咸

孫翔

阮逸

陳洙

陳鄂

陳軒

江側

族子汝舟

陳師錫

江立

游醇

從弟酢

從侄操

族人九言

九言弟九功

江準

詹時升

范致虛

江栩

江杞

江鈿

江琦

呂祉

吳櫪

施禔

陳旦

阮思道字元恭穎異絕人讀書一覽成誦中南唐進士歸宋爲史館簡討歷守韶衢永三州有政聲終駕部員外郎子昌齡從子中度

昌齡字大年十七試海不揚波賦楊億稱其奇才
咸平初進士甲科仕劍外有異政為張詠所知後得
代徒行北歸詠貽以乘馬仍薦于朝終殿中丞
中度字正甫博學邃易居官仁恕嘗知密城縣盜過
私相戒曰長官賢者勿暴其民官至員外郎

葉齊字思可端拱元年中第覆試擢第一為館陶令
會契丹擾邊太宗幸河北或言齊督芻糧不足軍興
太宗怒將罪之齊曰使虜聞此將輕中國以臣計之
糧草可充十年太宗悟釋之面授著作佐郎直史館
通判潁州尋乞歸

江拯字公濟歷典數郡政聲籍甚以太常少卿致仕
子任侄翱

任有詩名以秘閣校理知泰州楊億稱之

翱字公舉為魯山令邑多曠土亢魃連歲翱以黍稻
性耐旱宜高原乃自建邑取種教民藝殖自是皆為
廬田

陳儼字仲莊簿安福縣歲饑請州守發賑不聽乃自
發之守怒上狀自劾攝常熟令興利除害濬福山河
以溉民田終泰州推官累以才行薦子升之
升之字暘叔初名旭舉進士歷知封州漢陽軍入為

監察御史右司諫改起居舍人知諫院請抑絕內降
詔許有司執奏勿下俗好藏去交親尺牘有訟則轉
相告言有司據以推詰升之請禁止之又請嚴館閣
之選無使縉紳華途爲貴游子第躡進凡任言責五
年所上以數十百事遂自侍御史知雜事擢天章閣
待制河北都轉運使知瀛州真定府加龍圖閣直學
士復知諫院上言天下州縣治否朝廷不能周知悉
付之轉運使今選用不精又無考課所以疾苦愁歎
壅於上聞必欲垂意元元宜從此始乃詔翰林學士
承旨孫抃權御史中丞張昇與升之同領磨勘轉運

使及提點刑獄公務復申爲諫官時所請抑絕內降
事論罷樞密使賈昌朝遷樞密直學士知開封府歲
餘拜樞密副使諫官御史唐介范師道呂誨趙抃王
陶交章以升之登進太驟論其陰結宦者升之丐去
仁宗曰朕選用執政豈容內臣干預乃兩罷之以升
之爲資政殿學士知定州徙太原府治平二年復拜
樞密副使神宗立以母老請郡爲觀文殿學士知越
州熙寧元年徙許中道改大名府過闕留知樞密院
故事樞密使與知院事不並置時文彥博呂公著旣
爲使帝以升之三輔政欲稍異其禮故特命之明年

同制置三司條例司與王安石共事數月拜中書門
下平章事集賢殿大學士忤王安石意稱疾歸卧逾
十旬神宗數敦諭乃出會母喪去位終制召爲樞密
使以疾辭終鎮江軍節度使同平章事判揚州封秀
國公卒贈太保中書令謚曰成肅

陳亞與升之同族真宗時知南恩州以地多煙瘴夷
獠雜處務行寬政深得民心其宦蹟視升之尤優
宋咸字貫之慶曆初知尤溪縣端慎公廉剖決無滯
重建廟學教養有方累知邵武軍立學置田以養士
移知韶州奏誅悍卒境內肅然狄青經制廣西移咸
爲漕以功轉職方員外郎奏乞於瓊管立學賜經史
以變夷風官至都官郎中所著有易註毛詩正紀外
義論語增註楊子法言註朝制要覽諸書咸多歷外
任每任所撰著輒爲一集一時諸賢皆爲之序而所
註易及法言大爲歐陽文忠所稱賞五世孫翔
翔字子飛七歲時劉子翬命賦燈詩援筆立成曰耿
耿照幽房熒熒鶴焰長昔年江上女曾向乞餘光坐
客皆獎嘆紹興中繇童選第進士累官國子監簿受
知張浚爲浚十客之一時韋太后旣歸慈寧宮祥瑞
交至獻紹興樂府十二章其一章曰天意回皇母歸

戢烽燧敞宮闈朝陽赫奕明鞠衣皇之孝惟母慈陳
仙仗薦壽卮從之冢后與庶妃奏之九成與咸池沓
玲瑞駢福祺山陬水裔咸熙熙惟天之相與帝之宜
千萬年無窮期一時文譽隱然動京師尋差湖南帥
司叅議以朝散大夫致仕有梅谷集

阮逸字天隱爲鎮東軍節度推官景祐初知杭州鄭
向上其所撰樂論十二篇并律管十三與胡瑗俱召
赴闕命同校鍾律分造鍾磬各一簾尋除鎮安軍掌
記康定元年上鍾律制議并圖三卷皇祐中更鑄太
常鍾聲又召瑗逸與近臣太常議秘閣遂典樂事遷

尚書屯田員外郎又有易筌及王制井田圖

陳洙字思道令長溪烏程二縣皆有聲績歷殿中侍
御史嘉祐中同知諫院司馬光上疏乞選宗室爲皇
嗣仁宗令以所言送中書而光欲出自上意言此事
止當造膝密言非如他者可露章廷爭也幸勿匆匆
俟明主自發德音乃爲善耳洙數趣光曰若俟上自
言當在何時遂上疏極陳東漢建儲不蚤之弊杜喬
李固徒取誅戮無益於事且曰陛下以臣懷異日之
圖莫若殺臣之身用臣之言疏方上卽仰藥死以自
明其無所覬奏下大計遂定司馬光言於朝曰竊見

殿中侍御史裏行陳洙資性忠果憂公忘私稟命不
永奄辭聖世垂沒之際獨上章奏冠紳之倫靡不嗟
惜宜有旌嘉異旌諸臣家素貧乏孤遺頗衆歸葬閩
越道塗險遠伏望朝廷特賜矜憫依監察御史裏行
張宗誼例除子男一人官及乞降朝旨下衢信建三
州候洙喪柩至彼差人防護津送前去亦足以示朝
廷褒直勸忠終始之恩仁宗聞賜洙錢十萬元祐初
光復言臣竊見嘉祐中仁宗皇帝未有繼嗣故殿中
侍御史陳洙奏乞擇宗室之賢者立以爲後既發奏
狀謂家人曰我今日入一文字言社稷大計若得罪
大者死小者貶竄汝輩當爲之備下奏狀者未返洙
得疾而卒臣時爲諫官親聞見此事竊憐其亡身徇
國繼之以死而天下莫之知近見故職方員外郎張
術亦以請建儲貳子申伯特補太廟齋郎伏望聖慈
依張術例除一子官以旌忠義哲宗從之

陳郭字彥聖授廬州司法叅軍再授歙州推官徙知
崑山縣歲饑屬邑希部使旨不敢蠲賦郭卒蠲之後
爲司農丞未嘗私謁政府請外除福建轉運使元符
中以元祐黨廢後復朝奉大夫卒郭亮直清鯁歷官
五十年帑無贏貲退無居廬舊吏以郭貧餽金數百

兩竟不受

陳軒字元輿嘉祐八年進士廷試本冠多士有司以其賦用韻失次欲黜之有旨降第二先是賜進士袍笏例釋褐於庭下軒解衣若懸鶉仁宗惻然解黃衣賜之其後賜袍笏有淡黃色自軒始初授平江軍節度推官元豐中知汀州治尚清靜蝗不入境屢致豐年元祐中爲禮部郎中徐王翊善再遷中書舍人高麗入貢軒館客其使求市歷代史冊府元龜抄鄭衛曲譜皆爲上聞禮部尚書蘇軾劾其失體以龍圖閣待制知廬州徙杭州江寧潁昌府徽宗立爲兵部侍郎兼侍讀論監司守臣數易之弊願稍久其任又言比更定役法欲以寬民力而有司生事急切苟營羸羨夫散青苗本以抑兼并拯難困不當以散多予賞入侍經闈每勸徽宗清淨恭儉徽宗頗聽行之加龍圖閣直學士知成都府不行改杭州福州卒年八十四始軒爲諸生時夢一官府前有雙闕闕各有金書額一曰左丞陳軒一曰右丞黃履後履官至右丞軒但龍圖閣學士耳暮年謂諸子曰吾白屋起家平生不作欺心事今位不副夢嘗思其繇昔守杭州有達官以一老兵執送府欲杖之此兵年餘七十法不應

杖遂聽其贖俄達官折簡相責不獲已呼入行決卽
死杖下至今吾未嘗不以自咎也

江側字處中以儒學教授其鄉就石壁山肄業游定
夫施景明葉祖洽皆從之游熙寧中學究出身除將
作監簿與族子汝舟號二先生歷饒信二邑令恬於
聲華閒居未嘗妄言咲

汝舟字公濟授主福州福清興化軍葉祖洽誌其墓
云先生文學馳名未老退居事母孝聞宗族稱仁鄉
鄙稱悌非有名位動人財利交人也而少者見之如
其父兄老者見之如其子弟從容里閭爲先生長者
所謂無爵而貴處窮而榮者歟

陳師錫字伯脩熙寧中游太學有雋聲神宗知其材
及廷試奏名在甲乙間神宗偶閱其文屢讀屢嘆賞
曰必陳師錫也啓封果然擢第三調昭慶軍掌書記
郡守蘇軾噐之倚以爲政軾得罪捕詣臺獄親朋多
畏避師錫獨出餞之又安輯其家知臨安縣爲監察
御史上言宋興享國長久號稱太平者莫如仁宗切
考致治之本不過延直言御群下進善退邪而已明
道中親覽萬幾見政事多辟輔佐失職自呂夷簡張
耆夏竦陳堯佐范雍晏殊等一日罷去寶元初冬雷

地震用諫官韓琦之言王隨陳堯佐韓億石中立同時見黜其後不次擢用杜衍范仲淹富弼韓琦以成慶曆嘉祐之治願稽皇祖納諫御臣之意以興治功神宗善其言時詔進士習律師錫言陛下方大闡學校用經術訓士不應以刑名之學亂之出知宿遷縣元祐初蘇軾三上章薦其學術淵源行已潔素議論剛正器識精深德行追蹤於古人文章冠絕於當世乃入爲秘書省校書郎遷工部員外郎加秘閣校理提點開封縣鎮畿內將官苛慘失士心嘗大閱群卒譁譟將吏莫知所爲師錫馳至軍推首惡者致諸法按閱如初而劾斥其將縣人歎服樞密院猶以事不先白爲罪罷知解州歷考功員外郎知宣州蘇州徽宗立召拜殿中侍御史疏言元豐之末中外洶洶矣宣仁聖后再安天下委國而治者司馬光呂公著耳章惇誣其包藏禍心至於追貶天相陛下發潛繼統而惇猶據高位光等贈謚未還墓碑未復願早攄宸畧以慰中外之望蔡京爲翰林學士師錫言京與弟卞同惡迷國誤朝而京好大喜功銳於改作日夜交結內侍戚里以覬大用援引死黨至數百人鄧洵武內行汙惡縉紳不齒豈可滓穢史筆向宗回宗良亦

陰爲京助是皆陛下宗廟賢人君子之憂徽宗曰此於東朝有礙卿爲我處之師錫遂上封事於太后言自昔母后臨朝危亂天下載在史冊可考而知至於手書還政未有如聖母退抑謙遜而蔡京陰通二向妄言宮禁預政不可不察時陳瓘亦與師錫同論京卞號爲二陳俄改考功郎中抗言臣在職數月所陳皆當今急務若以爲非陛下方開納褒獎若以爲是則不應遽解言職如蔡京典刑未正願受竄貶於是出知潁廬滑三州蔡京當國編置黨籍中坐謫監衢州酒稅尋因註陰符經削官安置柳州宣和末復朝請大夫卒年六十九葬卅徒紹聖中贈左諫議大夫直龍圖閣號間樂先生有文集十卷丞相葉衡爲上章疏多被詔遣追焚僅存十五篇叅政李光叙之江立字伯穎有文工詩官至左朝奉郎以吏治循良受知於司馬溫公

游醇字質夫復猶子復見韋布醇夙以文行知名所交皆天下士從第醉得游程門與楊中立倡道閩南而醇私淑家庭上下議論叅考互訂文章理學一時推重仕至奉議大夫

醉字定夫與兄醇俱以文行知名其年雖少老宿咸

推伊川先生以事至京一見謂其資可適道是時明道先生知扶溝縣設庠序教邑人召酢職學事酢欣然往從得其微言於是盡棄其學而學焉楊龜山先生往見伊川伊川謂龜山曰游君德器粹然問學日進政事亦絕人遠甚登進士調蕭山尉用侍臣薦召爲太學錄改宣德卽除博士以食貧待次奉親不便就擬知河清縣范純仁出判河南待以國士有疑議與叅訂移守潁昌辟爲學教授未幾還朝復相卽除酢太學博士純仁罷政酢亦請外除簽書齊州判官丁父憂服除再調泉州簽判徽宗立召還爲監察御史出知和州歲餘管勾南京鴻慶宮居太平州兩乞再任知漢陽軍以親老再乞宮祠丁母憂服除知舒州移知濠州不數月會從官謫守衝罷歸寓歷陽因家焉卒葬其處酢自幼不群讀書過目成誦比壯益自力心傳日到儀容辭令粲然有文望之知爲成德君子也其事親無違交朋友以信蒞官遇僚友有恩意惠政在民戴如父母筮仕之初有疑獄十餘年酢攝邑一問得情精練如素宦其後守四郡處事優裕民以晏然有中庸義易說詩二南義論語孟子雜解文集各一卷學者稱薦山先生謚文肅弟驛元祐進

士

操字存誠驛之子少爲酢竒愛長工於文紹興中與
潘良能沈介洪景伯俱爲秘書省正字同日起館職
少監秦熺會食次命對曰潘游洪沈泛瀛洲操用絳
繹繪維綰綸綽爲偶蓋神宗朝韓絳陳繹韓維楊繪
相先後除學士也自秘書少監權禮部侍郎僑居盱
江奉祠晚號定庵居士子開同上舍出身從朱文公
遊編集中庸文公稱其文學優贍可與晤語

九言字誠之初名九思父嘗湖南安撫叅議官九言
開爽慷慨方十歲卽爲文詆秦檜及長銳志當世熟
南北事初筮古田尉入監文思院被旨視行在諸邑
災傷歸白都堂放苗八分以上孝廟攢宮有司妄費
希賞九言上書極諫張栻帥廣西辟幕下栻第杓帥
金陵復辟撫幹時禁方嚴九言記上元縣明道祠痛
譏之調全椒令開禧初爲淮西安撫機宜尋知光化
軍充荆鄂宣撫叅謀官卒端平中特贈直龍圖閣謚
文靖九言始學于栻栻教以求放心久之有得嘗序
太極圖曰周子以無極加太極何也方其寂然無思
萬善未發是無極也雖云未發而此心昭然靈源不
昧是太極也欲加太極先識吾心讀者稱之號默齋

先生第九功

九功字勉之一字禹成用廕補官累遷咸寧令辟充
荆鄂宣撫司時德安遣戍兵潰歸有反意九功卽絕
江撫諭衆皆帖服嘉定中興元失利九功知金州將
兵備禦收復隣疆除湖北運判知鄂州召爲兵部郎
官首言守邊必先結人心又言征役無藝以資苞苴
曩橐而民心失將帥腹削功賞不以時下而軍心失
倚仗諛佞護疾忌醫而士大夫之心失被論知泉州
在郡有清嚴之稱南安令毛進簿謝觀作新學舍考
成之日九功率僚屬諸生周旋廟庭以慶其能端平
初召爲司郎少卿疏論姦貪多佚罰諸賢或號召未
至又論沿邊夫役之弊無樞密副都承旨出知慶元
府以循吏稱入權刑部侍郎丐祠再調不赴除待制
加寶直學士九功清慎廉恪與九言自爲師友講明
理學平生真體實踐出於誠意及門之士皆心服之
號受齋先生寶祐中謚文清

江準字伯先熙寧壬子預州辟居太學再掇開封薦
登元豐進士歷南昌簿掖縣丞知侯官僉書邵武軍
判官知漳州眉宇超然俗表篤學宗儒綽有志量
詹時升字志行歷通判興化軍知汀州改知興化軍

政尚簡易切於愛民歲大旱迎五百佛士于設廳自
爲位於麗譙之下每位設一拜忽陰雲四合而雨隨
至宣和初就除福建提舉茶事

范致虛字謙叔爲太學博士鄒浩以言事斥致虛坐
祖送停官徽宗立召見除左正言出通判郢州崇寧
初以右司諫召道改起居舍人進中書舍人蔡京建
請置講議司引致虛爲詳定官議不合改兵部侍郎
自是入處華要出典大郡者十五年以附張商英貶
通州政和七年復官入爲侍讀脩國史尋除刑部尚
書提舉南京鴻慶宮初致虛在講議司延康殿學士

劉昺嘗乘蔡京怒擠之後昺坐連坐論死致虛力爭
得減竄士論賢之遷尚書右丞進左丞母喪踰年起
知東平府改大名入見時朝廷欲用師契丹致虛言
邊隙一開必有意外之患宰相謂其懷異致虛乞終
喪從之免喪知鄧州改河南府復移鄧提舉亳州明
道宮靖康元年召赴闕道除知京兆府時金人圍太
原聲震關中致虛脩戰守備甚力朝廷命錢蓋節制
陝西除致虛陝西宣撫使金人分道再犯京師詔致
虛會兵入援錢蓋與西道摠管王襄聞京師破皆遁
走致虛獨與西道副總管孫昭遠合兵環慶帥臣王

似熙河帥臣王倚以兵來會致虛合步騎號二十萬以右武大夫馬昌祐統之杜常將民兵萬人趨京師夏俶將萬人守陵寢有僧趙宗印者喜談兵致虛以便宜假官俾充宣撫司叅議官兼節制軍馬致虛以大軍遵陸宗印以舟師趨西京金人破京師遣人持登城不下之詔以止入援之師致虛斬之顧宗印徒大言實未嘗知兵而致虛勇而無謀委已以聽遂與宗印鼓行出關宗印軍出潼關致虛軍出武關至鄧州千秋鎮金將婁宿以精騎衝之不戰而潰死者過半然致虛雖敗其忠心勇氣有足稱者高宗卽位言者論其逗撓不進徙知鄧州尋加觀文殿學士復知京兆府力辭復知鄧州次年宗印領兵出武關與致虛合會金將銀朱兵壓境宗印兵不戰走轉運使劉汲力戰死而致虛亦遁坐落職責授安遠軍節度副使英州安置高宗幸建康召復資政殿學士知昂州行至巴陵卒贈銀青光祿大夫

江栩字仲明醇謹廉明少力于學初授沙陽尉歷選武平象山永春三邑令任永春尤久八年乃歸爲政崇大體尚寬和所至吏民懷之

江杞字堅老歷仕州縣民安其政爲御史致仕里居

十有五年講學著書不倦郡守魏疇見其所註孝經嘆曰他日變此邦為魯閔其必因此書也

江鈿字元飾善詩文為張魏公劉信叔所推重紹興初甌賊范汝為戰敗鳳凰山郡以鈿為本邑令使捕餘黨晚遷湘潭令監司薦才堪應劇官終左宣

教郎

江琦字全叔文學行誼知名當世仕永州學教授終徽猷閣學士覃思春秋之學著春秋經解三十卷揚龜山見而稱之又著辨疑一篇語孟說各五卷子明見韋布

呂祉字安老建炎二年為右正言以論事忤執政適判明州紹興元年盜起湖南北為荆湖提刑既至招捕有方踰年盜平進直秘閣尋召赴行在淮南宣撫使韓世忠將出師辟祉議軍事除直徽猷閣充叅議官辭不行三年陞直龍圖閣知建康府上東南防守利便議大略謂臨安僻在海隅宜移蹕江上聯絡淮甸荆蜀之勢然後可以繫南北離散之心四年冬金人攻淮江左戒嚴獨韓世忠統銳卒在高郵金既陷漣水破山陽盱眙遂犯承州祉上章言宜遣兵為世忠援既而援兵不至世忠退保鎮江祉再上言置江北於度外非命帥宣撫兩淮之意且恐失中原心惟

當急遣諸將且乞親御六師庶幾上下協心於是降
詔親征車駕至平江金人退師五年召爲中書門下
省簡正諧房文字尋除兵部侍郎兼戶部侍郎給事
中六年遷刑部侍郎都督府叅議軍事俄遷吏部侍
郎劉豫分道入寇時車駕駐平江或請回臨安且令
守江防海社獨抗言士氣當振賊鋒可挫不可遽退
示弱七年遷兵部尚書陞督府叅謀軍事往淮西撫
諭諸軍張浚以劉光世持不戰之論罷之乃命行營
左護軍前統制王德爲都統制又以統制官酈瓊爲
之副瓊與德素不協社還朝瓊與德交訟于都督府
及御史臺乃命德還建康以其軍隸督府復命社往
廬州節制之社至廬瓊等復訟德社諭之曰張丞相
但喜人向前倘能立功雖有大過亦濶畧况小嫌乎
當力爲諸公辨之瓊等感泣事小定社乃密奏乞罷
瓊及統制官靳賽兵權其書吏漏語於瓊瓊令人遮
社所遣郵置盡得所言大怨怒會朝廷命張浚爲淮
西宣撫使置司盱眙楊存忠爲淮西制置使劉琦爲
副置司廬州召瓊赴行在瓊懼遂叛諸將晨謁社坐
定瓊袖出文書示中軍統制官張璟曰諸兵官有何
罪張統制乃以如許事聞之朝廷邪社見大驚欲反

走不及爲瓊所執璟及兵馬鈐轄喬仲福統制劉永
衡友死之瓊遂率金軍四萬人渡淮降劉豫擁社次
三塔距淮三十里社下馬曰劉豫逆臣我豈見之衆
迫社上馬社罵曰死則死於此又語衆曰劉豫逆臣
爾軍中豈無英雄乃隨劉瓊去乎衆頗感動凡千餘
人環立不行瓊恐搖動衆心急策馬先渡社遇害慶
元間詔立廟賜額以旌其忠社爲人質直明白好賢
嫉惡於學惟求實用於文不侈空言初除兵侍自草
謝表有願爲志士殺身以成人敢效鄙夫旣得而患
失之句可以見所養也子勝已見邵武志

吳櫪字行遠一字子全知長汀縣每於耕斂之際聽
囚歸業業畢復來無後期剖決曲直多所原貸百姓
化之幾於無訟又請于郡乞運下州鹽綱就官貸本
俾胥吏掌之而收其贏縣計益饒遂免配民請買之
擾秩滿老穉感泣遮道丐留有及境外者後任朝奉
郎通判建昌卒

施禔字子安建炎間以門蔭知寧化縣葉儂叛虛聲
欲取汀禔率所部民守隘卒不敢犯帥司檄巡尉領
弓級會建安弓級中途懼不進欲殺尉以應亂尉知
給之還至郊又不入境禔撫定之後仍不悛禔取其

尤三十人寘重辟自是蕭然累遷朝奉大夫知州
梧
 陳旦字仲明登進士與朱文公同榜嘗偕張敬夫從
 文公游未幾夭喪文公誌其祖徽猷公墓深慨惜之

閩書卷之九十六

英舊志

縉紳

建寧府

建陽縣

宋

有傳

朱熹

子塾

塾

在在

塾子鑑

曾孫浚

蔡諒

玄孫模

杭

熊克

陳煥

魏揆之

子應仲

劉頌

弟崇之

崇之子

族人懋

懋子煥

煥

煥

煥子屋

孫鑑

屋子欽

炳子填

炳孫應

銓

周明仲

熊以寧

陳總龜

余翼

熊節

宋鞏

熊剛大

宋慈

劉子寰

葉味道

子禾

游義肅

宋秉孫

吳居仁

熊禾

朱熹字元晦一字仲晦婺源人父松為尤溪尉即家
 建陽見文蒞熹幼穎悟甫能言松指天示之熹問曰
 天之上更有何物松異之就傳授以孝經一閱題其
 上曰不若是者非人從羣兒戲沙上端坐以指畫沙
 視之八卦也年十八貢于鄉中紹興十八年進士主
 同安簿選邑秀民克弟子員日與講說聖賢脩己治
 人之道罷歸請祠監潭州南嶽廟明年用輔臣薦召

赴行在言路有託抑奔競以沮之者遂以疾辭孝宗
 即位詔求直言熹上封事首言陛下毓德之初親御
 簡策不過風誦文辭吟咏情性又頗留意老釋之書
 夫記誦詞藻非所以探淵源出治道虛無寂滅非所
 以貫本末立大中帝王之學必先格物致知以極事
 物之變使義理所存纖悉畢照則自然意誠心正而
 可以應天下之務次言脩攘之計不時定者講和之
 說誤之也願斷以義理之公閉關絕約任賢使能立
 紀綱厲風俗數年之後國富兵強視吾力之強弱觀

彼釁之淺深徐起圖之次言四海利病係民休戚斯民休戚係守令賢否監司者守令之綱朝廷監司之本也今之監司姦賊狼藉肆虐病民者莫非宰執臺諫之親舊賓客其已失勢者既按見其交私之狀而斥去之尚在豈無其人第陛下無自而知之故欲斯民得所本原之地亦在朝廷而已隆興元年復召入對其一言大學之道在乎格物以致其知陛下雖有生知之性而未嘗隨事以觀理即理以應事是以舉措之間動有疑貳聽納之際未免蔽欺平治之效所以未著其二言君父之讐不共戴天非戰無以復讐非守無以制勝且陳古先聖王所以強本折衝威制遠人之道時相湯思退方倡和議除熹武學博士待次乾道元年促就職既至洪适爲相復主和論不合歸三年陳俊卿劉珙薦爲樞密院編修官待次五年丁內艱三促就職會魏掞之以布衣召爲國子學錄因論曾覲去遂力辭尋六年工部侍郎胡銓以詩人薦與王廷珪同召以未終喪辭七年既免喪復召以祿不及養辭九年梁克家相申前命又辭孝宗曰熹安貧守道廉退可嘉特改合入官主管台州崇道觀熹以求退得進於義未安再辭淳熙元年始拜命二

年孝宗欲獎用廉退以勵風俗龔茂良行丞相以熹名進除秘書郎力辭且以手書遺茂良言一時權倖羣小乘間有言虛名之士不可用者乃因熹再辭即從其請主管武夷山冲祐觀五年史浩再相除知南康軍降旨便道之官再辭不許至郡興利除害值歲旱講求荒政多所全活訖事奏乞依格推賞納粟人間詣郡學引進士子與講論奏復白鹿洞書院遺址爲學規俾守之明年夏大旱詔監司郡守條具利病疏言天下之務莫大恤民恤民之本在人君正心術以立紀綱必君心公平正大無偏黨及側之私然後紀綱有所繫而立又必親賢臣遠小人講明義理之歸閉塞私邪之路然後此心可得而正今宰相臺省師傳賓友諫諍之臣皆失其職陛下所與親密謀議者不過一二近習上以蠱惑陛下之心說以功利之卑說下則招集天下士大夫嗜利無恥者文武彙分各入其門所喜則陰援所惡則密毀交通貨賂所盜者皆陛下之財命卿實將所竊者皆陛下之柄陛下所謂宰相師傳賓友諫諍之臣或及出其門其幸能自立者亦不敢一言斥之其甚長公論者乃能略警逐其徒黨一二而終不敢正言切指其囊橐窟穴之

所在號令黜陟名爲陛下獨斷而實此一二人者陰
執其柄臣恐莫大之禍必至之憂近在朝夕而陛下
未知也孝宗讀之大怒曰是以我爲亡也以疾請祠
不報陳俊卿以舊相守金陵過闕入見薦之甚力宰
相趙雄言上曰士之好名陛下疾之愈甚則人譽愈
衆無乃適所以高之不若因而用之彼漸當事任能
否自見矣乃除熹提舉江西常平茶鹽公事旋錄放
荒之勞除直秘閣以前在南康所奏納粟人未推賞
辭會浙東大饑宰相王淮奏改熹提舉浙東常平茶
鹽公事即日單車就道復以南康納粟人未推賞
職名納粟賞行遂受職名入對首陳災異之繇與脩
德任人之說次言陛下即政之初蓋嘗選英豪任以
政事不幸其間不能盡得其人是以不復廣求賢哲
而姑取軟熟易制之人以充其位於是左右私褻使
令賤人始得以奉燕閑備驅使而宰相之權日輕又
慮其勢有所偏而因重以壅已也則時聽外廷之論
將以陰察此輩之負犯而操切之陛下旣未能循天
理公聖心以正朝廷之大體則固已失其本矣而又
欲兼聽士大夫之言以爲駕馭之術則士大夫之進
見有時近習之從容無間士大夫之禮貌旣莊而難

親其議論又苦而難入近習便嬖側媚之態既足以
蠱心志胥史狡獪之術又足以眩聰明是以雖欲微
抑此輩而此輩之勢日重雖欲兼采公論而士大夫
之勢日輕重者既竊陛下之權輕者又借於重以爲
竊位固寵之計浸淫耗蝕使陛下德業日墮綱紀日
壞兵愁民怨盜賊間作災異數見饑饉薦臻羣小相
挺人人滿欲惟有陛下無所得而顧獨受其弊上
爲動容熹始拜命即移書他郡募米商蠲其征及至
則米舟輻輳日鈎訪民隱按行境內

人不及知郡縣官吏憚其風采至自引去所部蕭然
凡丁錢和買役法權酷之政有不使者悉釐而革之
救荒之餘隨事處畫爲經久計有短熹疏於政者孝
宗謂王淮曰朱熹政事却有可觀熹以前後奏請多
所見抑幸而從者率稽緩後時蝗旱相仍不勝憂憤
復奏言爲今之計獨有斷自聖心沛然發號盡出內
庫之錢以供大禮之費爲收糴之本詔戶部免徵舊
負詔漕臣依條驗放租稅詔宰臣沙汰被災路分州
軍監司守臣之無狀者遴選賢能責以荒政庶幾下
結人心消其亂意不然所憂者恐不止於饑殍而害
且上及於國家也復上時宰書朝廷愛民之心不如

惜費之甚是以不肯爲極力救民之事明公憂國之念不如愛身之切是以但務爲阿諛順旨之計然民與財孰重身與國孰大財散猶可聚民心一失則不可復收身危猶可安國勢一傾則不可復正九年以賑濟有勞進直徽猷閣辭知台州唐仲友與王淮同里爲姻家遷江西提刑未行熹行部至台訟仲友者紛然按得其實章三上淮匿不聞熹論愈力仲友亦自辯淮乃以熹章進呈下紹興府鞫之獄具情得乃奪仲友江西新命以授熹熹以爲蹊田而奪之牛辭不拜遂歸尋令兩易江東辭及辭職名且言唐仲友雖寢新命已具之獄竟釋不治則是所按不實難以復沾恩賞並不許受職名再辭新命且乞奉祠言所劾賊吏黨與衆多並當要路大者宰制幹旋於上小者馳騫經營於下若其加害於臣不遺餘力則遠至師友淵源所自亦復無故橫肆觝排爲臣之計惟有乞身就閑或可少舒患害時吏部尚書鄭丙上疏毀程氏學以陰詆而監察御史陳賈面對首論近日縉紳有所謂道學者大率假名濟僞願考察其人擯棄勿用故熹有是言十年詔以熹累乞奉祠可差王管台州崇道觀旣而連奉雲臺鴻慶之祠者五年十四

年周必大相除熹提點江西刑獄公事以疾辭不許
遂行十五年淮罷相遂入奏首言近年刑獄失當獄
官當擇其次言經總制錢之病民及江西諸州科
罰之弊而其末言陛下即位二十七年因循荏苒無
尺寸之效可以仰酬聖志嘗反覆思之無乃燕閒之
中虛明應物之地天理有所未純人欲有所未盡是
以爲善不能克其量除惡不能去其根公私邪正是
非得失之機交戰一念之頃故禮貌大臣非不厚而
便嬖側媚得深被腹心之寄寤寐英豪非不切而柔
邪庸繆得久竊廟廊之權非不樂聞正論而有時不
審非不聖讒說殄行而未免誤聽非不欲報復讐恥
而未免畏怯苟安非不欲愛養生靈而未免歎息愁
怨願陛下自今以往謹察天理人欲之分果天理也
則敬以克之果人欲也則敬以克之推而至於言語
動作之間用人處事之際無不以是裁之則聖心洞
然中外融徹而天下之事將惟陛下所欲爲是行也
有要之於路以爲正心誠意之論上所厭聞熹曰平
生所學惟此四字及奏孝宗曰久不見卿浙東之事
朕自知之今當處卿清要時曾覲已歿王忬亦逐獨
內侍甘昇尚在熹力以爲言孝宗曰昇乃德壽所薦

爲其有才耳熹曰小人無才安能上動人主翌日除兵部郎官以足疾乞祠本部侍郎林栗前數日與熹論易西銘不合至是遣部吏抱印逼以供職熹以疾告遂劾熹欺慢孝宗謂栗言太過周必大言熹上殿之日足疾未瘳勉強登對孝宗曰朕亦見其跛曳左補闕薛叔似亦奏援熹乃令依舊職江西提刑而太常博士葉適御史胡晉臣相次論栗栗出知泉州熹再辭免曰論者謂臣事君無禮爲人臣子有此名也其當誅豈可除任外臺耳目之寄章再上除直寶文閣主管西京嵩山崇福宮未踰月再辭始熹嘗謂口陳之說有所未盡乞具封事以聞至是投匭進封曰今天下大勢如人有重病內自心腹外達四肢無一毛一髮不受疾苦且以天下大本與今日急務爲陛下言之大本者陛下之心急務則輔翼太子選任大臣振舉綱紀變化風俗愛養民力修明軍政六者是也古先聖王兢兢業業持守此心精一克復如對神明如臨淵深尤恐隱微差失或不自知是以建師保之官列諫諍之職凡飲食酒漿衣服次舍器用財賄與夫宦官宮妾之政無一不領於冢宰使其左右前後一動一靜無不制以有司之法而無纖芥之隙瞬

息之頃得以隱其毫髮之私陛下所以精一克復持
守其心果有如此之功乎所以脩身齊家正其左右
果有如此之效乎宮省禁臣固不得而知然爵賞之
濫貨賂之流閭巷竊言久已不勝其籍籍則陛下所
以脩之家者恐亦未及古之聖王也至於左右便嬖
之私恩遇過當往者淵覲說抃之徒勢焰熏灼傾動
一時今已無可言矣以臣之愚竊謂此輩但當使之
守門傳命供掃除之役不當假借崇長使得逞邪媚
作淫巧於內以蕩上心立門庭招權勢於外以累聖
政臣聞之道路自王抃既逐之後諸將差除多出此

手陛下竭生靈膏血以奉軍旅顧乃未嘗得一
溫飽是皆將帥巧立名色奪取糧資行賂近習希圖
進用出入禁闥腹心之臣外交將帥共爲欺蔽以至
於此陛下不悟反寵暱之以爲私人至使宰相不得
議其制置給諫不得論其除授則陛下所以正其左
右者未能及古聖王又明矣至於輔翼太子則自王
十朋陳良翰之後能稱其職者鮮矣而邪佞闕冗之
輩又時得參錯其間其所謂講讀亦姑以應文備數
而未聞有規箴之效至於從容朝夕陪侍遊宴者又
不過使臣宦者數輩而已師傅賓客既不復寘而詹

事庶子有名無實其左右春坊遂直以使臣掌之既無以發其隆師親友尊德樂義之心又無以防其戲慢嫖狎竒衰雜進之害宜討論前典置師傅賓客之官罷去春坊使臣而使詹事庶子各復其職至於選任大臣則以陛下聰明豈不知天下之事必得剛明公正之人而後勝任其所以反容鄙夫竊位者直以一念之間未能撤私邪之蔽而燕私便嬖不能盡繇於法度若用剛明公正之人以爲輔相則恐其有妨吾之事害吾之人是以選擇之際常取疲懦軟熟平日不敢直言正色之人於其中又得其至庸極陋決可保其無所妨者然後加之於位是以除書未出物色先定姓名未顯中外已知其非天下第一流矣至於振肅紀綱變化風俗則今日宮省之間禁密之地天下不公之道不正之人顧得窟穴盤據其間薰蒸銷鑠使陛下好善之心不著疾惡之意不深其害已有所不可勝言者矣及其作奸犯法則陛下又未能深割私愛付諸有司是以紀綱不正風俗頽弊爲患日久矣而浙中尤甚大率習爲軟美之態依阿之言以不分是非不辯曲直爲得計甚者以金珠爲脯醢以契券爲詩文宰相可啗則啗宰相近習可通則通

近習惟得之求無復廉恥一有剛毅正直守道循理之士出乎其間則羣議衆排指爲道學而加以矯激之罪十數年來以此二字禁錮天下賢人君子復如昔時所謂元祐學術者排擯詆辱必使無所容而後已此豈治世之事哉至於愛養民力脩明軍政則自虞允文之爲相也盡取版曹歲入窠名之可指擬者號爲歲終羨餘而輸之內帑顧以其積累掛欠空載簿籍不可催理者撥還版曹謂內帑之積將以備他日用兵進取不時之須然自是以來二十餘年內帑歲入不知幾何而認爲私貯典以私人宰相不得以式貢均節其出入版曹不得以簿書勾考其在二日銷月耗以奉燕私之費者蓋不知幾何矣曷嘗聞其能用此錢以易敵人之首哉徒使版曹經費缺乏日甚督促日峻以至廢去祖宗以來破分良法而必以十分登足爲限又造爲比較監司郡守殿最之法以誘脅之於是中外承風競爲苛急此民力所以重困也諸將之求進也必先掊剋士卒以殖私利然後以此自結於陛下之私人而漸以姓名達於陛下之貴將貴將得其姓名卽以付之軍中使自什伍以上節次保明稱其材武堪任然後具奏牘而言之陛下之

前陛下但見等級推先案牘具備則誠以爲公薦而豈知其論價輸錢若晚唐之債帥哉是陛下之所得以爲將帥者皆庸夫走卒猶望其脩明軍政激勸兵士以彊國勢豈不誤耶凡此六事皆不可緩而本於陛下之一心心一正即六事無有不正一有私欲介乎其間則雖欲憊精勞力以求正夫六事者亦將徒爲文具而天下之事愈至不可爲矣疏入夜漏下七刻孝宗已就寢亟起秉燭讀之終篇明日除主管太一宮兼崇政殿說書會執政有指道學爲邪氣者力辭除秘閣修撰仍奉外祠光宗即位再辭職名仍舊直寶文閣降詔獎諭居數月除江東轉運副使以疾辭會使者自金還金人問朱先生安在遂改知漳州奏除屬縣無名賦七百萬減經總制錢四百萬采古喪葬嫁娶之儀揭示以變民俗命父老解說其子弟有聚僧廬爲傳經會作庵舍以居不嫁之女者悉禁絕之會朝論欲經界泉州漳三州熹訪法擇人上之而衣冠之族以爲不便第稍行之漳州一郡明年以子衷請祠時史浩入見請收天下人望除秘閣修撰主管南京鴻慶宮再辭詔論撰之職以寵名儒乃拜命除荆湖南路轉運副使辭乞補官觀又數月差知

靜江府廣南西路經畧安撫辭四年又辭主管南京
鴻慶宮未幾差知潭州荆湖南路安撫以辭遠就近
力辭黃裳爲嘉王府翊善自以學不及熹乞召爲官
僚王府直講彭龜年亦爲大臣留正言之正曰非不
知熹但其性剛恐到此不合反爲累耳五年再辭有
旨長沙巨屏得賢爲重遂拜命會洞獠擾屬郡遣人
諭以禍福皆降之申敕令嚴武備戢姦吏抑豪民興
學政明教化寧宗卽位趙汝愚首薦熹及陳傅良有
旨赴行在奏事熹行且辭除煥章閣待制侍講辭不
許人對首言乃者太皇太后躬定大策陛下寅紹不

圖可謂處之以權而庶幾不失其正自頃至今二月
矣或反不能無疑於逆順名實之際竊爲陛下憂之
猶有可諉者亦曰陛下之心前日未嘗有求位之計
今日未嘗忘思親之懷此則所以行權而不失其正
之根本也克未嘗求位之心以盡負罪引慝之誠克
未嘗忘親之心以致溫清定省之禮而大倫正大本
立矣復面辭待制侍講寧宗手劄卿經術淵源正資
勸講次對之職勿復牢辭以副朕崇儒重道之意遂
拜命又勸帝求放心親儒學咨訪臣僚數事又乞遵
行孝宗通喪之禮及議僖祖不當祧復奏言願陛下

日用之間以求放心爲本而益用力於玩經史近儒學數召大臣切劘治道羣臣進對亦賜溫顏反覆詢訪以求政事得失民情休戚而又因以察其人才之邪正短長庶於天下之事各得其理韓侂胄自謂有定策功居中用事熹憂其害政數以爲言且約吏部侍郎彭龜年共論之會龜年出護使客熹乃上疏斥言竊柄之失因講筵留身復申言之御批云憫卿耆艾恐難立講已除卿官觀汝愚袖御筆還上且諫且拜內侍王德謙徑以御筆付熹臺諫爭留不可樓鑰陳傅良旋封還錄黃修注官劉光祖鄧驛封章交上熹行被命除寶文閣待制與州郡差遣辭尋除知江陵府辭仍乞追還新舊職名詔依舊煥章閣待制提舉南京鴻慶宮初趙汝愚旣相收召四方名士中外引領望治熹獨惕然以侂胄爲慮旣屢爲上言又數以手書啓汝愚有防微杜漸謹不可忽之語汝愚不以爲意及是汝愚亦以誣逐而大權悉歸侂胄矣以疾再乞休致詔辭職謝事非朕優賢之意依舊秘閣修撰二年沈繼祖爲監察御史誣熹十罪詔落職罷祠門人蔡元定亦送道州編管四年熹以年近七十申乞致仕五年依所請明年卒年七十一疾且革手

書屬其子在及門人范念德黃幹拳拳以勉學及修正遺書爲言翌日正坐整衣冠就寢而逝自熹之去國也侂冑勢益張鄙夫儉人迎合其意以學爲僞謂貪黷放肆乃人真情廉潔好禮者皆僞也科舉取士稍涉經訓者悉見排黜文章議論根於理義者並行除毀六經語孟悉爲世大禁猾胥賤隸頑鈍無恥之徒往往引用以至卿相繩趨尺步稍以儒名者無所容其身從遊之士特立不顧者屏伏丘壑依阿異懦者更名他師過門不入甚至變衣冠狎遊市肆以自別其非黨熹日與諸生講學竹林精舍自如也嘉泰

初學禁稍弛二年詔除華文閣待制與致仕恩澤是時熹已歿矣建寧守傅伯壽不以聞故有是命開禧三年侂冑伏誅凶徒儉黨根株斥戮嘉定元年詔賜熹遺表恩澤諡曰文尋贈中大夫特贈寶謨閣直學士始熹少時慨然有求道之志父松病亟屬之曰籍溪胡原仲白水劉致中屏山劉彥冲三人學有淵源吾所敬畏吾即歿汝往事之故熹之學旣博求之經傳復徧交當世有名之士延平李侗老矣嘗學於羅從彥熹歸自同安不遠數百里徒步往從其爲學大抵窮理以致其知反躬以踐其實而以居敬爲王嘗

謂聖賢道統之傳散在方策聖經之旨不明道統之傳始晦於是竭精訓釋所著書有易本義啓蒙著卦考誤詩集傳大學中庸章句或問論語孟子集註太極圖通書西銘解楚辭集註辯證韓文考異所編次有論孟集議孟子指要中庸輯畧孝經刊誤小學書通鑑綱目宋名臣言行錄家禮近思錄河南程氏遺書伊洛淵源錄皆行於世熹歿朝廷以其大學語孟中庸訓說立於學宮又有儀禮經傳通解未脫藁亦在學宮平生爲文凡一百卷生徒問答凡八十卷別錄十卷熹登第五十年仕外僅九考立朝纔四十日而已理宗寶慶二年贈太師追封信國公改徽國淳祐元年正月理宗視學手詔以周張二程及熹從祀孔子廟元至正中改封齊國公
皇朝洪武初追封徽國公從祀孔子廟嘉靖九年定祀典稱先儒朱子熹子塾塾在塾子鑑曾孫浚塾字受之蔭補將仕郎自幼開爽不類常兒文公恐墮於浮靡不肯教以詩文歿後許進之出其所與唱和詩卷文公曰予初不知其能道此語爲之揮淚塾字文之淳祐間蔭補廸功郎差監德清縣戶部贍軍酒庫後文公十一年卒黃勉齋誄之曰在昔夫子

性嚴氣剛規矩準繩動止有常君承其顏惟恐或傷
在昔夫子朝圖暮書違恤其家孰有孰無君服其勞
使若有餘內睦姻親外交朋友歲時享祀殺核清酒
囊篋瑣碎俾無遺漏非君之賢孰左孰右贈朝奉大
夫

在字叔敬用蔭補官嘉定初除籍田令亢旱上封事
歷將作司農簿遷丞十年以大理寺正知南康軍奉
祠起知信州入對以進學問振紀綱求放心爲言除
提舉浙西常平茶鹽公事加右曹郎官兼知嘉興府
召爲司農少卿克樞密副都承旨出爲兩浙轉運副
使寶慶中除工部侍郎進對論人主學問之要理宗
曰先卿中庸序言之甚詳因奏閔損以下九人並封
公爵獨曾參爲侯乞並封公楊雄王雱乞去其像本
朝有程顥程頤張載三人若使從祀廟庭斯文幸甚
除吏部侍郎請外除寶謨閣待制知平康府遷煥章
閣待制知袁州奉祠卒子玠通直郎兩浙運管
鑑字子明文公嫡長孫也蔭補迪功郎累遷奉直大
夫湖廣總領寶慶間隨季父在遷居建安之紫霞洲
建安公祠於所居左子孫入建安自鑑始
浚字深源文公三世孫少負奇節累官兩浙轉運使

兼吏部侍郎尚理宗公主元兵入建寧王積翁棄城遁浚與公主入福州誓與知府王剛申死守迨元阿刺罕侵福安剛中以城降浚與公主仰天大哭曰君帝室王姬吾大儒世胄不可辱於犬羊手遂飲藥死贈朝散大夫

蔡諒字守信其先弋陽人唐昭宗時八世祖熿從王潮入閩爲建陽長官上居麻沙鎮累傳至伯禧宋真宗時以神童授春官伴讀賜詩褒美再傳生諒紹興二十七年繇鄉貢入大學除大名司訓擢太學錄崇寧間表勸徽宗以剛仁勤儉又語蔡京曰清慎正直宰臣之度司馬光呂公著何等人品而目爲奸邪且鐫之石也京大怒即棄官歸寄傲雲谷西山間自號首陽居士子發孫元定曾孫淵沉沉俱見韋布玄孫模杭

模字仲覺沉長子操行高潔風度夷坦隱居篤學王塾創建安書院請任席長嘗輯朱文公書爲續近思錄及易傳集解河洛探賾大學衍論語孟集疏等書淳祐中宰相謝方叔湯恢乞表異以勸後學有旨補迪功郎添差本州教授今有司錄所著書并訪以所欲言模疏言敬義爲萬世帝王心學大旨价人大師

等六者爲國家守邦要道及請頒白鹿洞學規於天下卒學者稱覺軒先生

杭字仲節沉次子歷諸王宮大小學教授奏對論正心及內降斜封之弊又言權奸不可復用國本不可不早定寶祐中繇浙東提刑召爲國子司業兼資善堂翊贊續以試國子祭酒兼侍玄脩注官仍兼資善堂翊善歷遷工部侍郎權吏部尚書除端明殿學士同知樞密院事拜叅知政事落職踰年復殿學致仕卒諡文簡以犯祖諱更諡文肅杭司著作劾叅知政事劉之傑黨於史嵩不叶物議爲國子司業論京尹余晦凌辱三學及奏權奸可大全不可用卽不待報去在州郡所至祀先儒旌忠節舉遺逸表行義居家孝友四時祭祀仍遵伯父淵遺制遇暮功總麻之喪必衰衣以終月數及治喪毋得用浮屠法子公亮大理司直

熊克字子復唐御史大夫博之後父蕃見常布志克第進士知諸暨縣越帥課賦頗急諸邑率督趣以應克曰寧獲罪不忍困吾民他日府遣幕僚閱視有亡時方不雨克對之泣曰此催租時耶部使者芮燁至其境謂曰曩知子文乃今見政表薦之入爲提轄文

思院嘗以文獻曾覲覲持白孝宗孝宗喜之出御筆
 除直學士院宰相趙雄疑其由徑阻之孝宗意方向
 之不能回也遂以為授書郎累遷學士院權直孝宗
 御選德殿召諭曰卿制誥工且有體自此燕閒可論
 治道克自以見知於上數有論奏嘗言邊事宜以和
 為守以守為攻守則莫重淮東援淮東之策莫若即
 江陰建水軍置巡簡警督之名為備盜無使敵疑即
 緩急可相應孝宗嘉之召草明堂赦書言二浙薦饑
 蝗蟲大起赦文不宜飾詞孝宗復嘉其識體除起居
 郎兼直學士院以言者出知台州奉祠克幼而翹秀
 好學善屬文自少至老著述外無他嗜好淹習典故
 酬對如響家素儉約貴不改舊所居庠陋門不容轍
 嘗愛臨川童子王克勤之才將妻以女乏資遣會草
 制獲賜金遂以歸之卒年七十三所著有中興小曆
 九朝通畧官制新典帝王經譜諸子菁華等書
 陳煥字其華紹興間尉順昌寬和廉靜善政甚多未
 嘗自能人號陳佛子

魏掞之字子實故名掞之字元履其以元履聞也久
 稱者莫能易也少師事胡憲已徧從鄉儒先長者遊
 又適四方盡交其先達名士聞見日廣聲稱日以大

嘗客衢守章傑家故相趙鼎以謫歿歸葬常山傑雅怨鼎又希秦檜意逮繫其家人劾治甚急元履作書噉讓傑長揖歸兩以鄉舉試禮部不第閩帥汪應辰建守陳正同相與論薦于朝時相尼之又不得召後數歲詔舉遺逸部刺史芮燁帥其寮與帥守六人共言元履行誼有詔特徵之辭謝不獲以布衣入見極論當世之務孝宗獎嘆開納勞問移時遂詔賜同進士出身授左廸功郎守太學錄既就職日進諸生教誨之釋奠孔子祠先事白宰相陳俊卿請言於上廢安石父子勿祀而追爵程氏兄弟使從食又言太學之教宜先德行經術其次尤當使之通習世務以備官使至他政事有係安危治亂之機宰相不能正臺諫侍從不敢言者無不抗疏盡言至三四上並不見納則移病杜門曾覲召還元履移書與俊卿責其不能救止俊卿雅招徠元履至是見其書詞峻切亦不能平而元履前已數求去矣遂以迎親予告使歸行數日罷爲台州學教授竟卒元履於學無不講而尤長於前代治亂廢興存亡之說以至本朝故事之實居家謹喪祭重禮法恤親舊雖貧不懈與人交嘉善救失如不及後進以禮來者苟有一長汲汲推挽之

嘗有病其太過者笑曰不猶愈於橫目自營者耶至
 或訾其近名則蹙然曰夫人而皆避此嫌也為善路
 絕矣既卒孝宗嗟悼久之即下詔曰朝廷不可無直
 諒之士揆之雖死其以宣教郎直秘閣告其第元履
 故與朱文公遊去國時文公正被召將行聞元履出
 國門遂止子應仲

應仲字孝伯舉進士文公貽之書勉其力學以副親
 庭責望之意因教以起居坐立出入步趨處已待人
 之節

劉頴字子誠與韜同祖韜之七世孫也韜見崇安頴
 紹興間為廣州叅謀盜篡母謹和尚陷三水鎮帥兵
 剿捕後為淮東提刑金玉亮趨淮東力戰歿之謚忠
 簡弟崇之

崇之字智父弱冠擢進士授福清簿梁克家帥三山
 檄攝幕甚器之與詹體仁等六人同薦於朝除定詳
 三司勅令所刪定官遷太府丞應詔上書論弭變五
 說除秘書省較書郎光宗內禪遷著作郎尋罷起知
 信陽軍陞辭留為太府丞上書請車駕起居重華宮
 除行太常寺丞權兵部郎中朱文公罷經筵崇之率
 同列請留之轉朝請大夫偽學禁興力請外得荆湖

南路常平使者嘉泰初起知贛州言者論周必大併及崇之因請祠久之除成都路提刑應詔條上蜀民利害九事以戶部郎中領四川宣撫兩司節制未幾吳曦變作上表待罪請師平賊除荆湖北路提刑被論永州安置開禧中四川宣撫使安丙表陳崇之不污之節乞加甄叙詔復原官崇之天資穎敏居左塾讀書三十年未嘗移他所文章溫潤典雅有光制誥而用非其長論者惜之卒謚文忠號瑞樟先生純子純字君錫少年喜騎射以父蔭授沙縣簿歲大疫治粥藥存活之久而無收者作大塚瘞焉秩滿丞分宜

復值歲旱極力賑救如簿沙時繼入京監和劑門紹定己丑閩寇晏頭陀等嘯聚汀郡殘破寧化清流將樂陷劍南犯建寧純適調湖北帳幹聞賊迫近其鄉里即歸散家財招唐石義勇千人討之樵守王遂請於朝命知邵武縣俾將所招軍往立官府收散亡軍勢大振事聞改宣教郎詔號其軍曰忠武與招捕使陳鞞擊破連城潭飛滌諭降其七十餘寨頭陀計窮伏誅而邵武又有劉安國者先因民困貪暴鼓衆而起官軍不能敵而又無以招撫之坐是建寧復騷建守趙紉夫請於朝移純軍於縣命下即行得賊所募

爲首者二人斬以獻會旣守遺邑令將兵來援爲賊所圍純斬數賊拔令歸又入富田剿其渠魁賊懼合諸寨攻純純令統制周喜領淮西軍繞賊後擊其巢俘獲甚衆安國就擒次日純率兵往招降下瞿賊爲賊所得不屈歿之後有自賊寨歸言純歿時備極慘毒事聞贈朝散郎加諡義壯立二廟於邵武麻沙賜額忠烈建人以韜子羽珙領並稱曰五忠劉氏懋字子勉祖勉之見常布懋博學通經文辭奇偉長受學屏山先生得其論著繼從胡籍溪遊始知爲學大旨自是易象天文地理律曆之奧無所不通受迪功郎任會昌西尉兼學事秩滿轉文林郎奉祠監衡州南嶽廟以朝奉大夫致仕杜門掃軌仰師聖賢鄉人子弟多所造就學者稱恒軒先生以子燾貴贈金紫光祿大夫所著禮記集說語孟訓解子燾炳烱燾燾字晦伯舉進士授山陰主簿調饒州錄事叅軍爲太守孫紹所倚辦判官黃奕忌之忽捕廳吏械脅詰問汝本官得無受率分頭子錢乎吏曰有案牘索至則燾不曾受牒還丞判久矣甚慙猶以他事罪吏未幾判以賊抵罪對移歛丞徽守與奕有宿憾拒不納燾爲調護免人服其德量調連城令蠲無名征歛新

其縣學教諸生入德之方改知閩縣用清簡爲治與民有信大族貴宦頑庶姦胥莫敢撓法諸臺府合詞列薦以與丞相趙汝愚有連欲他用之叅政陳騏昌言於衆召試館職非劉某孰可者竟避汝愚嫌乞通判潭州時孝宗升遐光宗疾不能執喪人情憂疑寧宗受內禪燾寓書丞相言前日之事如傷寒熱病狂言迷悶庸醫所驚一旦解散即便無苦至於蠱毒中人初不知覺觸物而發則必死矣孔子曰抑亦先覺者是賢乎燾意蓋指韓侂胄而丞相不能用丁父艱學禁方嚴從文公講道讀書怡然自適服除主管都大坑冶司文字知德慶府葺學舍練軍實罷兩邑不正科敷受代入對請恐懼修政開言路以廣忠益闡公道以進人才飭邊備以防虜詐時執政議欲畱燾宰臣陳自强曰斯人閩縣之政吾知之然真是僞學遂以規舉廣東常平茶鹽至官痛加裁節以足公用縮逋欠時仕南方者多自爲裨販奪州縣征商利燾請凡仕廣而商者輕貨所經許州縣沒入之嘉定二年召入對言方今承凋弊之餘履艱難之運天下之勢不可爲安所恃者人心天下人心固未易一所恃者公道願陛下主持此道不用一毫私心不聽左右

私言大臣奉行此道進一人退一人無作好惡皆采公議至於一號一令莫不皆然陛下主持公道而大臣有不欽承則天下之惡皆歸之矣大臣奉行公道而小臣猶有不精白亦明時所不容也除吏部郎中輪對請開張聖聽於經筵講讀大臣奏對反覆問難以采義理之當否政事之是非乞外除兩浙西路提點刑獄公事盛暑隆寒巡察不倦決遣平反所劾不避權要所舉不受干求召爲國子司業對言治道原於士風士風本於學術古有司徒之職典樂之官周衰孔子取先王之六經大法與其徒誦而傳之雜見

於六經自漢以來雖曰崇儒然漢儒之陋訓詁益詳義理益晦故韓愈曰軻之歿不得其傳焉藝祖皇帝干戈甫定之餘召處士王昭素講易禁中累聖相承以爲先務治教休明儒宗間出然後六經遺旨孔孟微言復明千載之後天下學者誦而習之故以事父則孝事君則忠世之所謂道學也慶元以來權佞當國惡人議已指道爲僞屏其人禁其書十餘年間學者無所依向義利不明趨嚮汗下望其旣仕之後立名節修職業胡可得也乞降明詔更不施行又錄朱熹守南康日白鹿洞書院學規以進請頒下兩學與

舊學規並行從之兼國史院編修官實錄院簡討官
郊祀恩特封建陽縣開國男食邑三百戶賜紫金魚
袋權刑部侍郎兼國子祭酒太子右庶子左諭德同
修國史實錄院同修撰時廷臣爭務容默有論事稍
切者衆輒指爲異爚上疏請崇獎忠讜以作士氣深
戒諛佞以肅百僚又言虜運已衰我之邊鄙當備者
三盜賊乘間也姦雄崛起也外夷猖獗也蓋固藩籬
選將帥在今日尤不可緩者除刑部侍郎言藝祖置
將皆富之以財其說曰待武吏與待文吏不同文吏
責以廉恥武吏取以才能文吏任州縣以節用愛人
爲本武吏任將帥以醜賞得士爲先臣願今日任將
之道上法太祖蓋時江上諸將多以微文細過坐黜
雖嘗有功或不免吏議故爚言及之權工部尚書兼
太子右庶子仍兼講讀言於東宮帝王之學當本之
大學探之中庸參之論語孟子然後質之詩書玩之
周易證之春秋稽之周官求之儀禮博之禮記而又
通之歷代之史通鑑之書以知古今之得失君臣之
事鑑則物格知至意誠心正於脩身治平之道猶指
掌矣爚每講讀至經史所陳聲色嗜慾之戒輒懇切
再三以年過七十屢請謝事疏至二十上並不允詔

七至引趙抃留歐陽脩等以諭燭比疾懇祈卒不獲命燭猶黽勉輔導疾間復作遂以不起年七十三積階大中大夫爵建陽縣開國子食邑五百戶賜紫金魚袋以通奉大夫致仕遺表聞贈金紫光祿大夫輟朝一日詔杭州府致其喪邵武軍給葬事諡文簡燭爲人簡質端重和易以莊少習家訓長得名師其淵源一出於正每夜歛衽默坐虛心省察嘗取徐節孝帖教其子弟而言曰日入之後至於夜中事物俱靜志氣俱定是君子思慮經綸之時晚號雲莊居士有奏議史彙經筵故事東宮詩解易經說禮記解講堂故事雲莊外彙續彙若干卷子屋孫鑑

炳字韜仲與兄燭從文公遊文公編集程氏遺書炳兄弟研窮誦讀晨夜不息舉進士授迪功郎知應城縣好賢禮士修飾儒學訪求前令謝良佐遺跡創上蔡先生祠於講堂東隅朱文公爲記再調劔浦丞專以仁義教化平易近民民有訟委曲訓戒之後有鬪者愬於官曰何面目復見公耶累官兵部郎中朝請大夫乞祠閑居誦讀不輟自號悠然翁所著有睦堂類彙若干卷四書問目綱目要畧堂銘故事傳於世子填孫應李銓

炯字季明授進賢丞遷固始令早從文公學比掛冠
徜徉武夷九曲間悠然自尋其樂焉

垕字伯醇寶慶三年知江寧爲政愷悌不擾而辨制
闔以賢能薦于朝俾兼幕府以收李全功轉朝請大
夫知常州衡州移南劍州辭疾不赴與學徒熊竹谷
輩講道終其身學者尊爲靜齋先生所著有毛詩解
家禮集註心經集說子欽

鑑字子靜以祖澤蔭桂東令工詩文翰墨如題文天
祥贊答君虛齊僚諸詩深得風人之旨鄧尤薦稱其
一生琢對匠語洗削治澤齒牙間纏纏有聲大率精
切得意處前無古人至老皮毛落盡孤興兀然雷霹
之琴大成之鑿潮湍激齧之山皆天然成趣不繩削
而自合

欽字子時幼在襁褓中或啼哭示以書帙即嬉笑南
能言母梁教以古詩輒成誦不忘七歲日受數千言
每夜達旦母憐而節之乃匿膏室中候寢熟復燃從
蔡沉學精於易以祖蔭補官承事郎知嵯縣有政聲
轉朝奉大夫出知饒處邵武南康時江汀邵寇竊發
境內騷動欽募義勇剿捕誅其首惡餘悉縱還鄉事
聞陞殿中侍御史同知樞密諫院事歸隱武夷茶洞

口築茶巖小隱堂爲終焉計自號水壺散人終朝請大夫諡忠簡所著有書經衍義文集十卷

填字仲撫教授撫州尋爲廣東運屬吏胥竦畏徙知將樂吏事精敏豪猾警服縣有廂西拘者幾千人皆負豪家債者填悉縱遣之

應李字希泌初名榮謹厚莊重博習修潔舉進士調建陽簿入元不仕與熊禾胡廷芳講道洪源山居十有二年後建化龍書院於莒潭聚徒講授厚給課試悉倣州縣法

銓字子平博通詩禮學宗考亭尉臨川有聲尤工吟咏著傷時歌深悼世人不務本實穆然有返樸之思焉

周明仲字居晦好讀書有志當世官宣教郎淳熙甲辰常平使者宋若水知其賢以魏元履所立建陽長灘社倉事屬之明仲力爲振葺兼文公夏貸冬歛收息什二之法行之三年什二之收歲以益廣文公爲作記而稱之

熊以寧少從朱文公遊舉進士授光澤簿剛直正大一介不妄取予嘗曰學顏子之學志伊尹之志分內事也有大學釋義中庸續說行世

陳總龜字朝端居近朱文公日從朱文公遊文公與書勉之問學不下百餘章舉進士授永豐尉未_赴卒_赴余翼字子羽舉進士尉宿松與王荆公遊有文學善議論雖久困無所合一時文人多知之者

熊節字端操十歲讀易日誦二卦即知問難至通曉而後止慶元中廷對條陳三德累官通直郎致仕有中唐解三卷智仁堂彙十卷又有性理羣書

宋鞏字宜卿判廣州廉靜有聲

熊剛大少穎敏從蔡淵黃幹遊問學精專操行篤至為建安教授所著有詩經註解性理小學集解學者

稱古溪先生

宋慈字惠父歷湖南提刑以朝請大大直煥章閣帥廣東致仕卒慈通經史能文章居官以民命為重嘗作洗冤錄及卒理宗以其為分憂中外之臣有密贊闡畫之寄特贈朝議大夫御書墓門旌之

劉子寰字圻文蚤登文公之門官至觀文殿學士有詩名自號篁嶸翁劉克莊為序其集

葉味道初諱賀孫以字行更字知道其先括蒼人後居建陽之后山師事文公建溪山精舍受學焉試禮部第一偽學禁行味道對制策率本程願知舉胡絃

見而黜之曰必僞徒也既下第復從文公武夷山中
學禁開舉進士調鄂州教授理宗訪問文公弟子及
所著書部使者以味道聞差主管三省架閣文字遷
宗學諭輪對言人主務學天下之福也必堅志氣以
守之謹幾微以驗之正綱常以勵之用忠言以克之
至口奏則又述帝王傳心之要與四代作歌作銘之
旨其終有曰言宣則力減文勝則意虛從臣有薦味
道可爲講官者授太學博士兼崇政殿說書故事說
書之職止於通鑑而不及經味道請先說論語詔從
之帝忽問鬼神之理疑伯有之事涉誕味道對曰陰
陽二氣之散聚雖天地不能易有死而猶不散者其
常也有不得其死而鬱結不散者其變也故聖人設
爲宗祧以別親疎遠邇所以教民親愛參贊化育伯
有得罪而死其氣不散爲妖爲厲使國人上下爲之
不寧子產一以奉其後寧神之義也味道所
對蓋諷皇子竝事三京用師廷臣邊聞交進機會之
說味道進狀以爲開邊浸濶應援倍難科配日繁餽
餉日迫民不堪命龐勳黃巢之禍立見是先搖其本
無益於外也經筵奏事無日不申言之而洛書尋以
敗聞人謂味道見微慮遠味道奏陳無一不開導引

翼求切君身効引旋折推致於治道遷秘書著作佐
郎卒計聞帝震悼出內帑銀帛賻喪諡文脩升一官
故事未有也味道所往來討論者蔡仲默黃惠卿劉
韜仲童伯羽真德秀張洽輩皆不負師託傳心演繹
所著有四書說大學講義易會通祭法宗廟廟享郊
社外傳經筵口奏故事講議子采
采字仲圭少從蔡淵李方子學嘗居武夷八曲鼓子
書堂遊翫賦詩陳安卿以其好躡高妙屢破之遂循
序就實構漁隱精舍問學日進淳祐初登第授邵武
尉昌化令轉景獻府教授集近思錄進呈理宗嘉納
遷秘書監論郡守貪刻遷樞密簡討知邵武軍作郡
乘置田築祠祀朱文公於郡泮復給田若干頃祀文
公於光澤縣以方子配之累官翰林侍講乞歸景定
初詔起病不能赴尋卒所著有集解近思錄西銘性
理等書

游義肅字秉孫嘉熙間知連江修學宮益田贍士浚
東湖復九井創平糴倉成南江橋築相公堤連江人
植碑紀之

宋秉孫字彞父篤志勵行博學能文初知建寧縣適
值歲歉悉力賑給有劫民穀者即尸諸市以徇邑舊

無城壁度地興築後倅本郡又撥餘鹽錢置田爲繕
修費官至朝奉大夫尚書省主管架閣文字入元不
仕吟咏自娛

吳居仁字溫父父睿知候官縣有廉聲居仁以特科
歷古田尉攸縣丞融州節度推官所至以儒飾吏聽
訟必以人倫大誼斷曲直部使者下其所斷爲州縣
式居官奉法無妄取朱文公稱爲真廉吏

熊禾字去非號勿軒一號退齋總角能屬文志濂洛
關閩之學訪文公門人輔氏而從遊焉旣博通五經
遍覽諸子百家之論舉進士授汀州司戶叅軍入元

不仕築室雲門從學累百一時名士若胡庭芳顏君
履皆從之游州縣咸尊以師禮謝枋得聞禾名自江
右來訪及會共訴宋亡之恨抱持而哭曰今天下皆
賊也所不爲賊足下與我耳道義契合不能卒別相
與講論夫子之道益明舊聞通徹新知而胡庭芳素
明易學亦自江西挾道相訪相與講切者十有七年
禾與庭芳論學謂秦漢以下天下所以無善治儒者
無正學也儒者所以無正學六經無完書也考亭夫
子集正大成平生精力在易四書詩書儀禮僅完書
開端而未及竟雖九峯蔡氏猶未大暢厥旨三禮雖

有通解缺而未補尚多至勉齋黃氏信齋楊氏粗完
喪祭二書而授受損益精意竟無能續若春秋則不
過祭其大義而已兵難之餘學徒解散文集燬亡蚤
歲成春秋通解一書又厄於火兼以齒髮向衰抗我
滋甚余雖與君講切十有七年易詩書僅爾就緒春
秋更加重纂則皇帝王霸之道亦或粗備惟三禮乃
文公與門人三世未可之書庭芳當分任此責以畢
吾志其後竟修儀禮未及成書卒福寧陳益方足而
成之以爲禮編所著有四書標題三禮考異春秋論
考經序學解

元進士

至正八年戊子宋巒

宋宋王木巒子
慈孫

薦辟胃監賢者見列傳中

有傳

游應翔 朱沂 朱彬 張昇

游應翔字子善醉七世孫也值宋元兵革未靖結屋

武夷澄川之上畊隱自晦人稱其操履端方無媿先

世後繇武夷直學遷學正

朱沂字泳道文公三世孫累薦遺逸不赴與謝枋得

游枋得稱其論古今人物高下國家興廢善類仕止

久速之故掃盡華葉獨存根株文公之後世濟其美者泳道一人耳晚歲授考亭書院山長法與楊慈翁朱彬文公四世孫讀書有文克紹家學士子從遊者甚眾至正間為延平路知事蘇其然與謝文無駁張昇字伯起以神童舉入胄監官至江西儒學提舉至正戊戌陳友諒據豫章迫取諸司印昇曰誰能苟生辱名投印井中不食歿

皇朝科第

舉人 進士

子午卯酉屬舉人辰戌丑未屬進士

洪武十七年甲子羅寅

丁顯

以貢順天中式

十八年乙丑丁顯

元羅寅

二十六年癸酉李善

二十九年丙子詹易

永樂三年乙酉范普

六年戊子饒廣 范澄

十五年丁酉劉童

十六年戊戌劉童

十八年庚子陳恭

宣德七年壬子游敏

宋文肅裔孫

正統六年辛酉丁慈

蕭崇

九年甲子丘福

景泰四年癸酉

是年開科福建人中百三十七人

趙文

郡志作天順三年

朱穩

五年甲戌丁慈

天順元年丁丑朱穩

成化元年乙酉蕭泗

十三年丁酉蕭銳

經魁應天中式

二十二年丙午袁銛

弘治五年壬子熊熙

宋勿軒裔

虞金

十七年甲子黃麒

李仕傑

順天中式

正德十一年丙子朱煊

文公裔

十四年巳卯呂希武

嘉靖七年戊子張敏

十年辛卯朱凌

文公裔

十三年甲午黃應魁

十六年丁酉袁鶴齡

鉅子

張璿

敏弟

十九年庚子李有年

二十年辛丑朱凌

二十二年癸卯徐一魁

二十八年巳酉李有則

有年弟

王秦

三十一年壬子施在行

李朝佐

陳嘉謨

三十四年乙卯朱鑿煊第四子江龍

三十七年戊午翁和卿

四十三年甲子蔡國忠

隆慶元年丁卯江騰鯨 趙鳴謙 蔡國輔國忠兄王

密甌寧學

四年庚午傅國珎 黃應槐貢士三陽子順天中式

萬曆四年丙子李世芳朝佐第三子

五年丁丑傅國珎

十年壬午黃廷柱應槐弟府學

十九年辛卯李世科朝佐次子張汝桂

二十二年甲午李聞韶有年第六子詹玉鉉

二十五年丁酉朱以淡凌孫

二十八年庚子袁文紹 熊紹祖 朱洧煊曾孫

三十一年癸卯蕭鳴盛府學李震時

四十年壬子涂良立

薦辟貢士賢者雜見列傳中有傳

張智 王相 丁顯 程蕃

范宗諒 盧欽 黃璿 劉童

黃勝 丁慈 朱穩 赫

煊

奎

用圭

凌

洧

袁 銛

熊 熙

虞 金

袁 鎬

黃 麒

范育才

李有則

施在行

江 龍

趙邦瑞

黃三陽

江騰鯨

張智字玄畧昇之子博學工文詞洪武初以明經薦授夷陵州學正教條嚴肅多所造就召陞禮部右侍郎制度儀文嘗有建明未幾坐累左遷國子學錄永樂乙酉陞國子司業卒

王相字舜舉一名舉七歲能詩以奇童薦洪武四年應秀才舉授犍爲主簿最聞陞王府典簿既復舉明經授襄陽府知事陞戶科給事中轉監察御史有蹇諤風以疾卒官相好吟咏所著有紀行橐秦淮橐滄雲橐爛庵橐窮愁橐省風橐若干卷

丁顯字彥備博通經史援筆立成洪武十八年會試第三人其第一爲黃子澄第二爲練子寧及廷試顯居首子寧次之子澄又次之先是

高皇夜夢三絲墜地將臚唱以子澄年少議論過激抑置第三而以二甲花綸易之三人姓名俱有絲適與夢叶

高皇喜甚俱賜狀元授翰林修撰

國朝

開科狀元及第自顯始後坐事謫廣西馴象衛時香山周御史尚文秦郵人杜武緣伯恭江西人羅時用易大年譚南宿俱一時名流與顯同謫日相唱和超然自得久之歿戍所入太祖曰顯年少自喜吾固裁之武將何得不護持令其齎志耶悉論武將

程蕃字伯昌博學多識洪武間舉明經累典文衡官至徽州府學教授

范宗諒字子貴篤學通世務好直言洪武間舉賢良方正授南寧府推官陞員外郎

盧欽字士明性好學五經百氏悉能貫解曰讀書非徒記誦將以行之也洪武間以明經聘為儋州判卒

黃璿字景衡尚志節通經史百氏能言其同異得失上下數千載繇監生任霸州判官致仕潭故無志璿輯古今纂修以傳晚號知非子

劉童字良能好學力行知寧遠縣觀風者薦其才畧以嘗忤時相事竟寢陞江西布政司經歷尋陞蒙化州知州致仕卒童廉能著聲號稱循吏鯁直不屈遂坎坷終其身

黃勝繇楷書任戶部郎中宣德間陞衢州知府有守

有爲禁豪軍治強梗民心翕服去任多垂涕者
下慈字元凱任監察御史陞河南按察僉事蒞政嚴
明獎鋤有聲卒于官

朱穩字伯承文公九世孫授南戶部主事歷福建運
使以父母之邦辭不供職改浙江所至公勤廉謹文
公之後登第自穩始第

楸字伯盛丞餘杭永年二縣程敏政贊之曰觀其外
如豹之隱霧察其內如玉之韞輝處家庭有難弟之
譽登仕籍無負丞之譏

煊字孔溫文公十世孫少警穎讀書日記數千餘言
舉鄉試非公事不履邑門令薛宗鎧嘆曰朱孔溫真
儒裔也嘉靖初授江西永豐令永豐俗獷狼鬻訟煊
一鎮以靜間有犯者必懲而婉諭之秩滿乞致仕囊
無餘金居家操行醇謹子姓侍立衣冠肅然

奎字原聚文公十一世孫以貢簿高安有負贖緩辰
朴申而納詢何速也曰鬻妻奎還其鍰召令完聚陞
思恩經歷招安八寨單騎循行酋長感泣曰朱公清
正誠心來此再不敢犯後自免歸第用圭

用圭字原信選貢任滁州同知與巡按成子學知州
高警方講王文成之學用圭州同知卑官獨請就講

席以獨尊其祖文公之說

凌字原冲文公十一世孫舉進士授戶部主事督九江鈔稅見所徵嘗溢額遂議減稅積一歲去五之一時楚地饑男女流離人因之為利者載至九江關嚴不得出輒溺死乃稍寬其禁檄令所司修荒政禁畧販全活者甚眾報命之日民勒石紀德陞員外郎出為陝西僉事兵備歲餘以疾歸養凌性孝友家居三十年不問產業葛巾麤衣絕無町畦當道屢欲薦用辭不就

洧字原正文公十二世孫教諭浦江課士却贊遷景陵令邑值水旱蝗三灾捐一切逋負請改行海運以蘇民困卒於官貧無以歛民哀惜之

袁銛字時敏仕電白知縣簡易清素時論重之

熊熙字文明少從候官林玘學易與晉江蔡清同稱高第授翁源訓導後謝病歸門人感泣道左所著有

四書周易管天

虞金字宣之任衡山知縣蒞政勤謹民樂其業以剛方不徇時致仕

袁鎬字世京弘治間繇國子生任瓊州府推官折獄詳明罪人驚服會瓊缺守貳鎬署政振紀綱除宿弊

罪奸吏所部肅然卒于官

黃麒正德十一年任潮州府學教授淡泊自適樂教務施捐俸以濟生徒度不自給又白上官為助士咸屬心陞九江推官

范育才正德十三年以監生任興寧簿廉謹平易甚得民心

李有則字子彝知順德縣敷政慈祥士民愛之
施在行字用卿知星子縣捐俸改黌宮以振科第邑士德之

江龍字世霖孝友勤學授南寧府判遷左州知州以御史薦改知鬱林時州苦積荒田朱龍力為申豁歲減二千有奇又革除斗級請保牛稅諸不便事陞高州府同知議是兵糧守要害禁鬻子正黃冊豁清勾急初苑六年當移調未及赴卒龍居官廉明愛人三仕粵中皆見尸祝

黃三陽字元泰黃端公之後繇恩貢任安吉州同知罷運儲常例履畝均輸悉心經營兩視州縣篆廉而有惠擢保定判卒于官吉人祀之三陽通易詩禮三經弱冠便開講席從游千數三經並授他如天文地理陰陽醫卜靡不究心在官邸署蕭然一編自適

江騰鯨字于潛署教即墨轉銅陵府推官萊州府通判為入恬介不邀上官辭色官暇輒稱詩灑墨曰不敢以區區俗吏荒廢吾心也其論詩法曰詩寫性情天竅發而萬籟生有不得而自知者一近色相詩而俳優一着烟火詩而土木一苦思索詩而鳩毒一假剽竊詩而穿窬

閩書卷之九十七

英舊志

建寧府

崇安縣一

唐

池繁禧

池繁禧仕至五大夫五季之亂隱不復出歲歛出粟賑民鄉閭德之為立廟

五代南唐

彭 璫

彭璫字武仲任建州兵馬都監仕至殿中監請以崇

安場爲縣者也語見規制志璫淹貫經籍亦通釋典
與扣冰禪師友善

周進士

顯德三年

張靄

宋科第

太平興國二年癸未詹寰

雍熙二年乙酉柳宜

端拱二年己丑張倣

靄孫

咸平元年戊戌柳宏

宜孫

三年庚子詹瑞

五年壬寅詹靖

景德二年乙巳劉滋 吳航

大中祥符元年戊申詹庠

八年乙卯劉夔 柳寘

天禧二年戊午柳三復 詹鸞

天聖二年甲子詹保輔

八年庚午吳誠

航子

翁紀

翁純

紀兄

景祐元年甲戌柳三變

又名永宜子宏從子

吳評

航子

柳三接

彭鉅

寶元元年戊寅游奎

慶曆二年壬午徐九思

六年丙戌柳說三變子翁蕭紀子

皇祐元年己丑王鬲

五年癸巳翁萬 柳淇 彭仲熊

嘉祐二年丁酉翁仲通

四年己亥江淑 翁敏政一作敏脩

六年辛丑丁擇

八年癸卯詹範

元豐五年壬戌暨陶 吳仲虎

八年乙丑吳逢道

元祐三年戊辰江滋 劉約

紹聖元年甲戌吳見推 劉翰特奏民先子 余孝持特奏失其年

翁彥深仲通次子

四年丁丑胡安國第三人宣義郎淵子 翁彥國仲通第子 暨唐

裔陶子

元符三年庚辰翁常

崇寧二年癸未江信

特奏名彭路第一名

五年丙戌游彬一作斌

政和二年壬辰彭拯 翁彥約仲通長子 卓剛中 詹公

薦

五年乙未章元振 詹卓然 劉牧

重和元年戊戌丁偕 柳綬 翁采 劉璋

宣和三年辛丑胡寅安國子 何昌世 吳達 吳逾

六年甲辰范元凱 江灝 吳明卓 彭南舉

建炎二年戊申吳適 應孟明

紹興二年壬子翁彬 范芑

五年乙卯胡璉 丘瓘 何灝

八年戊午詹如松 虞公輔 李弁

十二年壬戌劉琪忠定公子 劉如愚琪從父

十八年戊辰何昌邦一作邦昌 詹靦 胡師徐安國族

二十年辛未 程鶚

二十四年甲戌哀彬 劉璫 彭奭路孫 哀蘊元

二十七年丁丑王文震 彭範

三十年庚辰葉堯贊

隆興元年癸未詹體仁信豐尉 詹岳 李獻明

乾道二年丙戌李岐弁子

五年巳丑江默灝孫 吳靈特恩楫從子 虞大中 黃鯉

八年壬辰歐陽光祖

淳熙二年乙未詹駮 林黻 翁華臨武令翁績孫 暨壽隆

五年戊戌劉褒 詹克愛 詹賢玉 應怡 翁

光明

贈朝散大夫延慶孫

八年辛丑程晞

十四年丁未江史 暨庚

紹熙元年庚戌虞庠

大中第

應薦 丘樞

慶元二年丙辰詹師文

徐昌之 丘和

五年己未詹淵 何大章

嘉泰二年壬戌詹梟

胡翔卿

開禧元年乙丑李仲光

陳雲 詹甫 梟子

嘉定元年戊辰江塤

灑曾孫

蔡知方

四年辛未李華

黃定

藍興祖

甯志紹定三年亦有此名

七年甲戌哀夢松

翁浦

陳範

十三年庚辰哀長吉

彭彝

鄭潛

十六年癸未游汝梅

寶慶二年丙戌翁甫

江寅

灑從孫

江鏞

塤子

紹定二年己丑何元澤

吳七德

五年壬辰尤德卿

翁酉

江巳

灑從孫

江鎔

塤子

端平二年乙未江文龍

詹必張

嘉熙二年戊戌翁合

淳祐元年辛丑吳益

七年丁未范宏忠 蔡益

寶祐元年癸丑蔡公亮 藍應午

四年丙辰詹夢璧 師文 祝洙 涵江書院山長 陳正夫

景定三年壬戌詹復

咸淳元年乙丑魏公圭 翁燧 曹應時

四年戊辰翁潤之

十年甲戌江三德

薦辟任子賢者雜見列傳中

有傳

張 靄 子崎 孫傲 柳 宏 從子永

劉 滋 子翰 劉民先 子翰 韞 韞子 韞 韞子 韞 韞子

子翼 子翬 子羽 子翬 子瑛 瑛子學裘

子翬子 子羽從 吳 航 子評 詹 庠

劉 夔 翁 紀 子蕭 孫延慶 徐九思

王 鬲 彭 彝 翁仲通 子彥約 彥深

彥國 彥約子 彥深孫 詹 範 暨 陶

吳仲虎 子必明 江 滋

張靄字伯雲好學善屬文李氏據有江表靄耻事偽朝潛入汴京登周顯德二年進士知蘄州宋建隆中除侍御史數諫諍一日太祖方於後苑彈雀靄亟請

入奏事及入奏太祖怒曰常事耳何亟爲霽曰臣謂
亟於彈雀太祖益怒引斧柄撞霽口墮二齒霽徐拾
而懷之太祖曰欲訟朕耶對曰敢訟陛下自有史官
出爲河中府判官太宗卽位召還密啟禪質爲多晚
年齒落殆盡太宗賜以嬪御爲具膳羞當時號爲國
老官至左司員外郎卒年八十四賜塋西京洛陽之
尹村贈太傅子嶠岐嶠子倣

嶠字景山隱居武夷南唐主惡霽仕周執嶠赴江南
後歸宋通判歙州盜盧絳入境與守臣龔慎儀歿守
太宗朝拜御史中丞累贈工部尚書

岐字邠卿歷官大理出爲永新令邑逃亾逋租千餘
緡岐以次迺推隱蔽皆戮復其征賦爲真宗所知遷
秘書丞知瓊州瓊俗悍朴牧守得人則歲時以香燭
魚菓爲獻否則群起爲盜岐鎮以清靜民夷欣服其
地多颶風拔屋盛夏猶寒岐教以立屋之法遂免其
患後倅曹州移瀛州卒

倣字希古舉進士調崇仁令脩梓堰萬金陂以增灌
漑蠻寇近境視倣有備亟引去倣乃慈以撫之後監
鎮州糧料真宗幸澶淵聞倣名累遷太常博士仁宗
時歷知容亳泰泗岳吉六州會江淮發運張綸脩復

海堰舉傲自代再命知泰州以成之復歷數郡官至工部侍郎子湜袞皆爲郎

柳宏字巨卿父崇見韋布宏咸平初進士宏兄宜官濟州奉父就養父歿于濟宏適按獄密州聞訃跣雪奔喪有詔起服詣闕三上章乞終制不報後因官江東過廬山樂之卒居焉官終光祿卿河南開國伯贈司徒子真齡比部員外郎真公太子中舍尚國子博士兄子永

小字耆卿初名三變父宜工部侍郎永舉進士累官屯田員外郎工詞章尤擅樂府仁宗誕辰太史奏老人星見永爲醉蓬萊詞以獻有薦其才於仁宗者仁宗曰此人不宜仕宦且去填詞因自稱奉旨填詞柳三變永與兄三復三接皆爲郎而皆工文藝時號柳氏三絕范鎮見永作歎曰仁宗四年太平鎮在翰苑不能出一語乃於耆卿詞見之而歐陽凱贊之曰錦爲耆卿腸花爲耆卿骨名章雋語笙簧間發王元澤追慕永才亦有賴有樂章傳樂府落落驪珠照今古之咏子浣著作郎

劉滋字潤之景德中試開封禮部皆第一調知無錫縣通判福州仁宗時知南劍州州北黯淡灘善覆州

滋別開灘傍灌疏三巨洲鑿七盤石轉山曲二百餘丈以舒水勢自是舟行無患歷典九郡皆有惠政官至職方郎中累贈開府儀同三司吏部尚書始滋未貴時嘗夢神人携印一麓令吞之印大小凡百餘顆滋吞至十四印文纍纍然見腹間後更中外十四任而典郡者九滋子同大理寺丞勲知臨江軍照河陽令孫元振曾孫瑋勉之瑋有詩名與劉子翬多所唱酬勉之見韋布

劉民先字聖仕以特奏名入官里人有爭或不謁吏而決於民先者作一枝堂潭溪之上與弟民覺奉母以終餘年既葬廬墓日夜哀悲鄉評尚之子_翰

翰

翰字仲偃登進士調豐城尉歲飢多盜他邑率以捕殺希賞翰曰此飢民救死耳率豪右賑濟多所全活隴城令王厚鎮熙州辟翰狄道令提舉陝西平貨司河湟兵屯多食不繼翰延致酋長出金帛從易粟就以餉軍公私便之遂為轉運使擢中大夫集英殿脩撰劉法成夏人攻震武翰攝帥鄜延出奇兵擣之解其圍夏人來言願納款謝罪眾以為詐翰曰此實情也兵興累年中國尚不支况小邦乎密疏以聞詔許之欵使愆期不至諸將又言夏果詐請會兵乘之翰

曰容有他故會再請者至韜戒曰朝廷方事討伐吾
爲汝請毋若異時邀歲幣侵軼疆場以取威怒夏人
聽命西邊以安丐祠除徽猷閣待制提舉崇福宮起
知越州方臘陷衢婺越大震官吏悉遁韜曰吾當與
城存亡寇至城下擊敗之拜述古殿直學士召爲河
北河東宣撫叅謀官時朝廷用童貫蔡攸議與金人
夾攻契丹韜以爲與夷同事非計徙知真定府又徙
建州改福州加延康殿學士尋落職起知荆南河北
盜起復以守真定單騎赴鎮招諭賊首柴宏一路遂
平金人謀南牧韜謀得實憲以聞陰治城守待變後
金兵抵城下知有備留兵其旁長驅內嚮及還治梯
衝設圍示欲攻擊韜發強弩射之金人知不可脅竟
退自金兵之來諸郡皆塞門民坐困韜獨縱樵牧如
平日以時啟閉欽宗善之拜資政殿學士充河北河
東宣撫副使太原陷召入爲京城四壁守禦使宰相
沮罷之初虜之入真定也父老號呼曰使劉資政在
鎮豈有此虜益知韜名及京城不守必欲得之宰相
詔以割地遣韜使金營金人命僕射韓正館之僧舍
正曰國相知君今用君矣韜曰偷生以事二姓死不
爲也正曰軍中議立異姓欲以君爲正代得以家屬

行與其徒歿不若比去取富貴韜仰天大呼曰有是
乎歸召指使陳灌等曰虜乃欲用我我當以歿報國
耳灌等泣且拜韜曰歿生命也即手書片紙付灌持
歸報諸子沐浴更衣酌卮酒而縊燕人嘆其忠瘞之
寺西崗上遍題窓壁識其處歿八十日乃就殮顏色
如生年六十一建炎元年贈資政殿大學士謚忠顯
韜莊重寬厚至臨大節毅不可奪軍中家報有曰今
日邊鄙多事只得盡忠歿節餘不足言其素如此靖
康歿難之臣蓋韜爲尤著子子羽子翼子翬

韜字仲文一字潛文有智謀善兵從兄韜平睦寇有
功補承信郎再從守真定適虜圍城韜命韜以強弩
射之虜知不可犯退去轉脩武郎又隨韜宣撫河北
膽氣無人未幾卒

韜字仲固以門蔭入仕歷倅三州典二郡皆有聲後
以朝散大夫致仕築室縣南有臺榭花木之勝自號
秀野與劉子翬朱元晦諸賢唱酬甚多時人謂之吟
龍子子翎丞瀏陽秩滿不仕亦能詩有父風時人謂
之詞虎

子羽字彥脩韜帥浙東子羽年二十四五以至管機
宜文字佐之用羸卒數百破方臘數十萬衆全其城

入主太僕太府簿遷衛尉丞韜守真定子羽辟從父子相誓死守拒金繇是知名除直秘閣韜既免喪除秘閣脩撰知池州以書抵宰相論天下兵勢當以秦隴爲根本改集英殿脩撰知秦州未行召赴行在除樞密院簡詳文字建炎三年大將范瓊擁強兵江西召之弗來來又不釋兵知樞密院事張浚與子羽謀誅之一日命張俊以千兵甲而渡江若備他盜者因召瓊俊及劉光世赴都堂議事方設食子羽坐廡下恐食已瓊覺趨前出黃紙麾瓊下曰有勅將軍可詣大理置對瓊愕不知所爲子羽麾兵擁置輿中送獄光世遂撫其衆浚以此益奇之宣撫川陝遂辟爲叅議軍事至秦州立幕府節度五路諸將規以五年而後出師明年除徽猷閣待制金人窺江淮甚急浚合五路兵進撓之子羽曰始計五年何太遽也浚不聽比至富平與金人戰不利還保興州人情大震官屬有請徙治夔州者子羽叱之曰孺子可斬也四川口有鐵山棧道之險不堅守而僻處夔與關中聲援不相接進退失計悔將何及若大軍留駐不移急出關呼召諸將收集散亡分隘固壘可觀釁而動浚然之顧諸叅佐莫行者子羽自請行復至秦州召諸亡

將悉來會命忠州防禦使吳玠柵和尚原守大散關而分兵悉守諸險金人知有備引去明年金人復聚兵來攻再爲玠所敗浚移治閬州子羽請獨留河池調護諸將以通內外聲援明年玠以秦鳳經略使戍河池王彥以金均房鎮撫使戍金州二鎮皆飢興元帥臣閉糴二鎮病之玠彥皆願得子羽守漢中浚乃承制拜子羽利州路經略使無知興元府子羽弛關禁開褒斜道通商輸粟獲叛將搜其衣箠獲金人文移約繇階城梁洋金商三路入寇遂移書玠彥使備敵彥不聽也金州果夫子羽聞之曰虜旦夕至不亟守饒風嶺是無蜀也卽遣田晟等馳守之復具書報玠列營以拒金人金人從間道繞出玠後玠不能支遽還漢中且來邀子羽與俱去子羽不可留玠先柵定軍山以守玠不從子羽不得已退守三泉從兵不滿三百與士卒同簋糲食採草木芽蘂茹之遺玠書曰子羽誓歿於此與公訣矣玠夜馳至子羽寢則子羽方熟寐傍無警衛玠曰何簡易如此子羽慨然曰歿矣何復言玠慙嘆泣下竟不果留子羽以潭毒山形斗拔其上寬平有泉水乃築壘守之儲粟十餘萬石盡徙將士家屬柵中積石數十百萬下臨走蜀道

居數日候騎報虜大軍且至諸將皆失色入問計子羽曰始與公等云何今欲避邪下令蓐食遲明上馬先至戰地前當山角據胡牀坐諸將追及泣請曰某輩乃當致死於此此非待制坐處子羽不為動虜知不可攻亦引退自虜入梁洋蜀中復大震宣撫司官屬爭咎子羽更為浮言相恐動力請張浚徙治潼川子羽復力言之浚大悟立止不行虜遣十餘人持書與旗來招子羽及玠子羽斬之餘一人使還報因復與玠謀出銳師腹背擊之未及期而虜已遁矣於是企蜀遂安四年坐富平之役與浚俱罷尋為言者所

論責授單州團練副使白州安置明年復原官提舉江州太平觀復為集英殿脩撰知鄂州未幾權都督府叅議軍事撫諭川陝還奏虜未可圖宜益治兵廣營田以俟機會時張浚以淮西安撫使劉光世驕惰不肅密奏請罷之而以其兵屬子羽子羽復以為不可八年以親老乞郡乃以徽猷閣待制知泉州僧人可度賂結中貴人屬戚里陳氏誣奏奪陳洪守冢寺符州奉行子羽曰此雖細事然小人罔上履霜之漸也即疏以聞可度等皆抵罪既又大興學校以教泉人堂序規模略放太學為閩中諸郡冠已淮西軍

果亂議者反謂子羽實使然不責無以係叛將南歸之望遂以散官安置漳州十一年以張浚薦復原官知鎮江府兼沿江安撫使金人遣使來議和植旗舟中大書云江南撫諭子羽怒易之伴使懼索脇子羽甚憲子羽曰欲揭此旗吾境中吾有死而已及伴使出境始送還之十二年復待制進爵子益封二百戶竟以不附秦檜和議奉祠歸卒贈少傅謚忠穆改謚忠定子羽平生慷慨厲節每有捐身殉國之願眾人惶惑失措子羽色愈厲氣愈勁遇事立斷凜不可犯料敵決勝雖古名將不能過之至其爲政敦尚教化摘奸發伏不畏強禦一再敗徙怡不介意而許國之誠至歿不懈朱文公嘗稱子羽在川陝雖盛寒必侵晨着單衣汗衫入教場射箭三百率以爲常又言幼嘗侍側賓客滿座見其目覽書冊耳聽指受口供應對手答書疏頃刻之間百函俱發益無差錯真人傑也子珙

子翼字彥禮少精敏力學用蔭補承務郎調秀州司錄鞫鎮真定金人入牧子翼沿檄問關兵刃走侍膝下時朝廷割地議和遣人持詔取河北監司分畫地界鞫稱詔拒之靖康元年鞫遣子翼入奏事賜對延

和殿欽宗見子翼進止閒雅因而受知未幾除江西
轉運使司遷浙東提舉茶鹽事轉承奉郎歷轉宣議
郎建州熊志寧范汝爲相繼叛有旨除子翼知建州
道路梗澁或勸子翼從王師航海進子翼曰建吾父
母之邦殺而勝之可乎乃單車自崇安入賊方棲山
守險所在屯布子翼崎嶇行賊營以誠信諭之曰汝
輩誑誤及此今王師且至若能自新釋兵歸農太守
能活汝不然悔無及賊皆曰我輩生矣羅拜去王師
尋下多所俘獲子翼分別善惡縱釋之賊首逸去子
翼設方略明賞購不閱月獲其巨猾其爲害幸免者

因事除之良家子流落者俾悉從良尋知南劍州蠲
減科歛一新郡治紹興二年應詔獻言忤當路奉祠
俄以薦知撫州徙信州爲人開明勤決而本之以恕
所至簡易不擾甚得民心

子翬字彥冲以蔭補承務郎辟真定幕屬幹歿難子
翬痛憤哭墓三年服除通判興化軍寇楊新犯閩境
與郡將張當世畫計備衛如素服戎事者賊不敢犯
年方三十自以哀毀致羸疾不堪吏責丐閒局主管
冲祐觀以歸世家屏山下潭溪之上有園林水石之
勝俯仰其間盡棄人事自號病翁獨居危坐嗒然竟

日夜意有所得則筆之於書間數日輒一走父墓涕泗嗚咽或累日乃返與胡憲劉勉之爲道義交每相見講學外無雜言朱韋齋且歿囑文公師事之子翬學深於易家有東西二齋東以復名西以蒙名文公問入道次第自言於易得入德之門焉所謂不遠復者吾之三字符也子翬妻歿不再娶以兄子翼幼子坪爲後年四十七得微疾卽入謁宗廟泣別母夫人前徧以書告訣素所往來者召其姪珙付以家事指示葬處中外孤遺人人爲計旣已則與學者論說脩身求道之要作訓誡數百言彈琴賦詩澹如平日居兩日歿學者稱屏山先生有文集二十卷

珙字共父少長從季父屏山受書知刻苦自勵以祖韜歿節思補承務郎舉進士中乙科調監紹興府都稅務潭州南嶽廟主管西外敦宗院遭外艱連承重祖母喪除諸王宮大小學教授權秘書省勘書籍官禮部郎官中書舍人秦檜當國一日微示風旨欲爲其父作謚珙不亟奉行檜怒風言者論去之踰年檜歿乃得主管台州崇道觀召爲太宗正丞改秘書丞兼權吏部郎官卽眞尋除監察御史避薦者復還故官珙前在吏部時善發梏吏姦間攝侍郎引選人改

官班占對詳敏高宗悅之故因其引嫵復委以選事
無權秘書少監遷起居舍人無權中書舍人金虜渝
盟高宗將興兵復讐一時詔檄多出珙手詞氣激烈
聞者感奮或至泣下從車駕視師建康無權直學士
院既而車駕將還臨安江淮軍務未有所付張浚方
典留守衆望屬之而詔乃以楊存中爲宣撫使中外
大失望珙不書錄黃奏論其不可高宗怒顧宰相曰
劉珙之父爲張浚所知其爲此奏專爲浚地耳宰相
召珙喻旨且曰再繳累且及張公珙曰珙計國家故
不暇爲張公謀若爲張公謀不爲是矣再論愈力存

中命乃寢除中書舍人直學士院在掖垣三年事例
不便知無不言竟以數直諫不得久居中而宰相亦
有陰忌之者孝宗隆興元年冬除集英殿脩撰知泉
州明年改衢州始至委事僚屬一無所問人以珙未
更治民意其懵事或不屑爲者旣乃一旦悉取而自
爲之辯察精明區處的當人始大服宜章縣李金爲
亂衆餘萬人分道南出犯廣東西九郡境旁入道州
桂陽軍界殺掠萬計連破郴桂南城數邑大震朝廷
憂之以珙爲敷文閣待制知潭州荆湖南路安撫使
乾道元年也珙至移書制置使沈介遣兵以來介遣

遊兵奕車統制田寶鄂州水軍統制楊欽率衆鼓行
數戰皆捷金與其腹心黃谷等數十人皆被執伏誅
而部將趙彥復擒捕湘陰盜劉花三李無對等三十
餘人其支黨詣降者皆與以故田宅所錄上諸將功
狀詳實無私孝宗嘉歎再三以爲敷文閣直學士賜
璽書嘉勞珙自是一意撫摩之政請於朝擇守宰寬
賦歛奏留鄂兵戍郴桂益廣蒐募以補州兵之缺厚
撫犒嚴紀律而時訓習焉於是湖南方地數千里姦
盜屏跡商旅野宿三年召還以爲翰林學士知制誥
無侍讀間復從容言於孝宗請正心明理以立萬事
之綱是歲小不登請亟詔監司郡守先事條畫荒政
所宜否又奏州兵營伍教戰之法甚備孝宗由是益
知珙學問精深忠義慷慨擢拜中大夫同知樞密院
事辭謝不獲乃就職因薦汪應辰陳良翰張栻請召
用之孝宗可其奏旣入西府日召諸軍將佐從容訪
問盡得其材器所宜以待選用一日孝宗顧輔臣圖
議恢復珙曰復讎雪恥誠今日先務然非內脩政事
有十年之功恐未可動也同列有言者曰機會之來
間不容髮奈何拘此曠日彌久之計且漢之高光皆
起匹夫不數年而取天下又安待十年哉珙曰高光

惟起匹夫也故以其身蹈不測之危而無所顧陛下躬受太上皇帝祖宗二百年宗社之寄其輕重之勢豈兩君比哉臣竊以爲自古中興之君陛下所當法者惟周宣王而已宣王之事見於詩者始則側身脩行以格天心中則任賢使能以脩政事其終至於外攘戎夷以復文武之境土則其積累之功至此自有不能已者非一旦率然僥倖之所爲也四年詔無叅知政事與陳俊卿同時夙夜悉心竭力益圖所以叙進人材寬養民力討理軍政而充以輔成上德振肅朝綱抑僥倖獎廉退爲已任先是潛邸使臣龍大淵

曾覲者憑恃舊恩暴起富貴公論不平累年孝宗一日發悟逐去之未幾大淵歿孝宗顧憐覲欲還之珙力陳其不可殿前指揮使王琪以密薦和州教授劉甄夫珙與俊卿召琪詰責削其官罷去語在俊卿傳珙與俊卿奏自今聖旨不經三省密院者所下之官皆請俟奏審乃得行孝宗欣然從之明日忽復有旨前奏審事勿行俊卿雖與珙合奏而珙對尤切孝宗不悅遂罷爲端明殿學士在外宮觀改知隆興府江南西路安撫使省輸納寬租稅暇日咨訪賓僚講求利病使得從容各盡所懷以故下情宣通人情厭服

明年除資政殿學士知荆南湖北路安撫使始至條
上荆襄兵少財匱之狀詔卽委珙措置珙因行視襄
鄂兵屯並邊形勢盡得其實立番休之法嚴訓練之
之方資糧械器皆爲處畫各有條理明年遭內艱又
明年起復同知樞密院事荆襄宣撫使遣中使奉璽
書卽喪次宣押奏事珙六上奏辭引經據禮詞甚切
至孝宗爲寢前詔八年免喪乃復除知潭州安撫湖
南過闕見上言曰人君能得天下之心然後可以立
天下之事能循天下之理然後可以得天下之心然
非至誠虛已無聽並觀使在我者空洞清明而無一
毫物欲之蔽亦未有能循天下之理者也因引其意
以傳時事言甚切至孝宗加勞再三進職資政殿大
學士以行湖南珙舊鍾威惠在人及是再至人愈畏
服而敬愛之淳熙二年除知建康府安撫江南東路
留守行宮會歲水旱高下田皆不收珙大行賑貸法
置局府中以府佐趙善珏王以寧及寓士李宗思劉
焯領其事而分遣群屬循行窮山僻壤無所不到珙
又早夜咨訪凡官吏奉行之不謹民間冤苦之無告
幽隱纖悉無不畢聞起是年九月盡明年四月闔境
數十萬人無一人捐瘠流徙者孝宗賜書褒諭珙治

財寬於民而急於吏蠲租振廩以數十巨萬軍吏糧賜皆隨月遣給被旨甃城面丈以萬計者數千用錢八千萬米千五百斛而役不及民又償前帥所負內庫錢三萬孝宗積其勞効賜手札勞獎賚以鞍馬噐物甚厚明年進觀文殿學士五年屬疾請致仕臨卒草遺奏千餘言極言近習用事之禍至引恭顯徑文爲戒所薦則陳俊卿張栻卒年五十有五贈光祿大夫賜謚忠肅琪爲人機鑑精明議論英發遇事立斷威不可犯而居家極其孝慈內外功總之威必素服以終月數在官爲罷燕樂聞同寮有喪者亦如之所

有骨肉之訟皆召至前喻以恩意責以義理反覆詳盡至或深自引咎詞意悵切聞者悔悟感泣徃徃失所爭而去在朝廷危言正色直前無避其忠義奮發不以死生動心而論事之際務在審密持重不肯爲僥倖嘗試之舉其飭躬應事規模科指晚歲皆益精密上則人主知之愈深下則學士大夫望之愈重以至兒童走卒莫不知其忠烈而在荊州時北虜亦每使謀者訶琪家世蓋知其忠義之有傳也及卒所臨方鎮軍民徃徃罷市巷哭相與祠之而建康爲尤盛所著有文集八卷奏議十卷內外制二十卷無子以

學表學雅為後學雅官南雄通判
 學表用父蔭補郎守撫州移守邕州有惠政後以疾
 累得郡不赴終朝散大夫
 坪字平父事母以孝聞用門蔭調邵武軍戶曹後邊
 居先廬徜徉溪水漁釣自樂自號七者翁名其居曰
 七者寮每與朱文公諸名賢倡和有詩集十卷子學
 箕見韋布
 如愚字明遠珙之從父也與珙同時登第調海鹽尉
 改知古田縣秩滿倅德慶權新州尋除行在審計院
 就除江西帥司叅議有才幹善屬文尤喜吟咏與朱

文公倡酬

吳航字公濟一字汝楫齠齡日誦萬言七歲能屬文
 與寇準俱以童選入太學從仁宗學於潛邸登真宗
 景德初進士調咸平尉召試秘書省校書郎特授永
 康軍判官兼通判仁宗即位賜書曰吳航朕故人也
 肅將明命通守列城方資率職之勤宜切念勞之意
 屬當凝沍特示頒宣勉荷寵榮盍思報效賜汝紫乾
 色大綾錦旋襪一領至可領也冬寒汝比好否遣書
 指不多及其被眷如此子評
 評字正詞調鄞尉歲大旱部使者諱言以征賦評覈

視報實郡有大辟數事以屬評評棘棘不徇守意通
 判常州濬鶴溪自蘇州引湖水灌民田治平中知懷
 安自雲頂山開羊腸溪十餘里入城通濟民利之神
 宗時以職方郎中守南京召為太常少卿判太常禮
 院出知萊州復興水利以濟民尋奉祠趙抃陳襄蘇
 頌皆言評不宜置散地除命不拜竟致仕官至中大
 夫累贈開國侯

詹庠字周文舉進士官至三門白波輦運判景祐中
 進君臣龜鑑六十卷詔書褒諭云汝策名雋科引籍
 華序聖賢夙究儒苑載馳爰攄敏辭備存懿戒因燕
 居之一覽實體要之可稱三子長彥獻官至屯田郎
 次彥迺季彥方並應賢良

劉夔字道元大中祥符八年應詔獻宋都賦送試禮
 部登進士補廣德軍判官累遷尚書屯田員外郎權
 侍御史李照改製大樂鍾磬夔以為樂之大本與政
 化通其器不當輕易願擇博學之士以補卿丞凡四
 方妄獻說要進者一切罷之真宗善其言歷三司戶
 部判官判度支勾院江西兩浙淮南轉運使加直史
 館知陝州改太常少卿知廣州所至有廉名權三司
 度支副使桂陽監蠻唐和寇邊以右諫議大夫龍圖

閣直學士知潭州無湖南安撫使初至遣人諭降不從乃舉兵破之州境獲安還權判吏部流內銓知審刑院河北大水民流入京東爲盜詔增京東守備仁宗問誰可守鄆者宰相以夔對進給事中樞密直學士以往至鄆發廩賑飢窮民遂不爲盜賜書褒諭大臣議復河道夔極言不可遂罷遷工部侍郎知福州請解官入武夷山爲道士弗許知建州尋告老遂以戶部侍郎致仕英宗卽位遷吏部卒年八十三夔少夜讀書山中有鬼伸手窓隙爲之剔燈夔遽書字鬼手上鬼手遂不能縮因乞夔擦之呼爲侍郎晚節遇

隱者學養生遂蔬食獨居不治財產田有餘穀則以賑鄉里前歿數日自作遺表分祿親族告家人曰某日吾歿矣如期而歿無子富弼稱夔天賦絕識孫沔稱其進爲卿相退爲神仙范仲淹稱其高風孤躅賀監以後一人其見重於名流如此

翁紀字世則試大理司直無觀察御史知袁州賢聲震一時以子肅登第遂解綬歸時人高之官至屯田郎中累贈中散大夫

肅字彥恭擢童子科歷知賓江峽袁潭五州廨無滯胥市無酤夫所至以最聞嘗召入對剛正敢言朝廷

重之拜職方郎中歸子延慶

延慶字德甫以父蔭補官靖康初知聊城縣舉義兵從王若訥等勤王至京師南薰門與金人戰歿贈朝散大夫官其子世脩剛直好學應湖北漕舉

徐九思字公謹調蘄水尉歷知雙流宣州南陵三縣趙并唐介交薦入判三司坐忤時相通判廣州神宗召對面賜褒論王安石以其譏議新法附司馬光坐廢十餘年元祐初召爲江淮等路發運使致仕寓居浙西世稱姑蘇十老九思其一也初唐介謫英州其夕雷震九思送之詩有忠謹若教無竄逐姦邪何計

竊安榮最是中宵雷激烈爲君特地發寃聲之句仁宗聞之遂召介還

王鬲字景和王審知之後知閩祚將衰遂避地邑之上梅里皇祐初進士知雩都縣俗囂訟鬲至一感以誠復圖釋古之好義者列其事誘勸之縣南有泉灌田千頃忽產鉛錫使者聞之欲置官冶力爭不可換朝奉郎通判婺州子獻朝議大夫直徽猷閣

彭彝初名夷字武山侍郎劉夔以彝士行清脩文章典贍薦于朝初召赴闕試紫微閣仁宗喜賜誥褒之授將仕郎試秘書省校書郎終大理寺丞有詩百餘

篇皆優柔平易之語時人誦之
翁仲通字濟可幼時賦竹杖詩劉滋深獎之後師胡
安定長於春秋舉進士調山陰尉遷武平令僉書興
化軍復令黃巖所至興築陂湖控遏盜賊武平陋不
知學仲通建學教之在黃巖聽民輸錢代米民免流
殍以親不逮養致仕累贈銀青光祿大夫開府儀同
三司子彥約彥深彥國

彥約字行簡以父任遜第兩舉于鄉皆首選初以
免解進士應詔上格言二十篇政和二年登第調龍興
尉改常州刑曹江淮發運使入奏事徽宗問所部人
材首以彥約對驛召爲詳定九域志編脩官累遷太
常博士修因革禮陳瓘見而器之請外提舉河北西
路學事陞辭言朝廷舉八行復試以文與立法初意
異請俱與廷對以示詳行略文之意至河北薦拔人
材訪問疾苦講求實邊制勝之策除知高郵軍郡當
淮孔道茶鹽私買之禁最嚴彥約不能爲寬弛顧有
告者亟決之使吏不得爲姦於是郡稱慶知其心
民歲大旱以禱祠積勞得疾或以尤之曰民蘇吾病
吾亡憾矣疾亟乞休章未報卒行道之人莫不出涕
曰先賢守也彥約爲文精微淵博尤長於詩有集十



卷子挺

彦深字養源宣和初遷右司員外郎入對極論讞獄之弊已以弟彦國入臺引嫌改秘書少監請訪國朝以來諸儒論纂可傳者並以上之盜起睦州東南大震彦深言民有疾苦不得上聞宜取上書人名籍焚諸通衢下詔求直言則下情通而盜可弭又言羽書選至諸路騷然宜亟求忠臣義士列于諫垣其後賊平南軍凱旋即議北征復力言出師沮盟之害以書白宰相言與金人夾攻契丹非是久之除國子祭酒時蔡條為禮部尚書諧彦深為元祐學彦深笑曰彼亦知有元祐學耶徙秘書監宦者梁師成提舉秘書省彦深不肯造謁降兩官出知濟南改婺州召為太常少卿從幸揚州力陳維揚無險宜蚤渡江以定基業歸老卒所著有皇朝昭信錄及文集各十五卷忠義列傳二卷唐史評一卷鍾離子自錄一卷子揆密州司士曹事亦以文行知名早卒孫蒙之

彦國字端朝宣和中知本州福建運判累官御史中丞靖康之難彦國為江淮荆浙制置轉運使克經制使朝廷命募兵入援京師再被圍彦國領兵東上康王開大元帥府檄召天下兵未有至者獨彦國屢遣

使奔問官守至淮寧與帥臣何志等築壇歃血誓獎
 王室遣兄子挺詣大元帥府請旨張邦昌使至彥國
 拘之於軍以其書申大元帥府且貽書切責邦昌既
 領兵至咸平縣欲赴大元帥府聞大元帥屯濟州乞
 移近邑及早正大號高宗卽位除無江南東西路經
 制使卒贈少保吳璠一本朝制一本朝制一
 挺字仕特政和中用季父彥國恩補官調宜章尉改
 候官簿遷鍾離令歲旱請粟十萬斛以貸飢民薦除
 詳定九域圖志編脩官所陳皆朝廷急務奏對移時
 徽宗喜曰何見卿晚改授少府監丞時相怒其不附

已遜之遂不復出號五峰居士有集二十卷李綱稱
 其文雄深雅健淵源浩博詩凌厲奮發絕去筆墨畦
 徑及卒劉子翬莫以文曰羅萬象於筆端煥丹青於
 骨髓

蒙之字子功以蔭補登仕郎調右迪功郎尉常山趙
 忠簡鼎以忤秦檜謫歿嶺海樞還將塋郡將章傑者
 故相惇諸孫雅怨鼎當國時奉詔治惇罪又希檜旨
 陽以善意檄蒙之護鼎喪一日下書蒙之曰趙氏私
 爲酒飲役夫亟捕寘法而陰使人喻意使弁搜取鼎
 平日知舊往來書疏欲因以敗趙氏且媚檜取美官



蒙之不可則啗以利又不可則脅以威往反再上蒙之度傑意壯不但已或更囑他吏則趙氏立敗壞卽夜往告趙令悉燒諸書䟽翌旦乃往爲搜捕而以無所得告傑怒又廉知蒙之女弟適故禮部侍郎胡寅實當時草詔罪惇者乃誣蒙之它罪劾之會寅弟寧爲尚書郎具以其事白檜檜下安撫使問狀徙蒙之官旁郡趙氏亦竟得無它孝宗卽位近臣以其事聞亟召見嘉嘆改秩蘭溪更調明州司理叅軍以母喪不赴至管吏部架閣文字又以少母喪去官改監登聞鼓院出爲江南東路安撫司主管機宜文字當塗澆廢蒙之以檄按行瘵瘵極力全活甚衆除軍器監丞又主江西安撫機宜文字復值歲凶佐其府咨訪處畫用力尤多使龔茂良與諸使者合薦於朝召爲大農丞未幾卒蒙之家居不問有無仕宦不計弁黜至於周人之憲則亦不復知有難易多寡之擇歷陽張晉彥以子孝祥被親擢冠多士故忤相檜意逮繫廷尉親舊莫敢與通求所以爲橐餽費無所得蒙之慨然謁其兄聲家貲得百金遺之在江西時同僚劉氏子琦奔父喪病瘵甚殆人莫敢視蒙之輿致其家蚤莫治粥藥得不死平居食客滿堂莫非有求於蒙

之而蒙之不之厭也

詹範字器之知惠州兵荒之後野多暴骨範瘞以叢塚蘇軾謫居與範賡和有江干白骨已啣恩之句且稱其治行超卓類龔渤海也

暨陶字粹翁俊朗豪宕長於聲律元豐五年廷對定陶第一臚唱者乃以洎音呼其姓不應神宗顧考官蘇頌頌奏當以入聲呼之陶果出神宗曰卿何據邪頌曰三國吳時有暨醯必其裔也問陶鄉貫云建州神宗喜曰果吳人方陶未應時以次名遞唱已數人矣陶怡然無恨色官至承議郎子唐裔登第累官中


奉大夫

吳仲虎字公炳性簡亢疎財樂施既登進士舉其故田悉予宗族司理容州有商夜宿旅舍同邸殺人者逃去吏第執商因自誣服仲虎力爭於守請緩其獄已果獲殺人者遷石州通判權知英州仲虎貌故寢初就試京師有相之者曰公當以醜勝天下及唱第神宗亦恠而哂之或嘲以詩曰見說登科日忻然動至尊子必明

必明字若愚用蔭調候官丞以廉聞後通判汀州未赴而葉儂范汝為竊發必明竭家財集民兵防護鄉

井已而徐清等又倡亂出牛酒招撫復與知縣賈穎
協謀勦捕之事聞璽書褒異除知邵武軍轉朝奉大
夫廣東提舉

江滋字益之一字德脩家貧嗜學尤工於詩舉進士
調耒陽令舍法行滋至鼎新學宇作學諭詩七十韻
以勵士事聞特遷一官繼知長社時蘇轍還居穎上
杜門謝客惟滋得其容接與相唱酬有穎川集官至
朝議大夫



寬政戊午

